

賢州玉屏縣誌

卷三

玉屏縣志卷之八

人物志

鄉賢
清俠

忠烈
隱逸

孝義
列女

宦蹟
流寓

懿行
仙釋

文學

山川清淑之氣鍾於人物雖大小多寡或有不一而所產則均玉固偏隅小邑在昔人物亦頗稱盛鄉賢忠孝祀典為昭也貞女烈婦旌典屢邀也以及服官野處德業文章各有以自見與夫遷謫之臣烟霞之侶赤髭白足之流時僑寓焉偶棲息焉非鍾靈於山川即為山川生色是皆人物之卓卓者綜而錄之庸非志乘之光歟作人物志

〔鄉賢〕

〔明〕

洪壽 永樂十二年由蘄州衛指揮僉事徵五溪蠻有

功陞授平溪衛指揮使

侯

位

字世卿正德辛未進士初任無錫知縣判斷如

神日了百餘事民咸心服後乃無訟邑當水陸之衝往來驛使絡繹位性剛毅有不畏強禦聲力學好古惠澤及人事見無錫縣志行取兵部主事轉武庫司郎中偕同官黃鞏等疏諫武宗遊幸廷杖降革世宗即位起用廢謫諸臣洊歷山東參議福建布政使南京光祿寺卿所至政績茂著陞兵部右侍郎右副都御史江南操江巡撫清海防肅軍政察吏治恤民隱奏減浮糧八萬餘石為德於南人甚溥後轉都御史世宗寵眷甚渥位感激圖報責難陳善疏上多蒙嘉納顧性格慎有口不言

溫室樹之遺意焉母一百八歲賜銀建坊歿賜祭墓鄉
黨至今猶以為榮霍韜有文載藝文志

鄭國賓 隆慶間由舉人任雷州府推官姿性敏捷兼攝
府篆事無鉅細迎刃而解疑獄一鞠輒白每按行他部
却常例飭吏胥以嚴明著增設沿海墩臺海警有備民
賴以安明時御賜匾額曰忠愛可傳

許 正德時由指揮使功陞江西操江都司值宸濠

久蓄異謀時屢沮諫凡濠額外違例取辦製造軍器等

項抗不奉命遂為所害濠敗追錄其忠御賜祭墓

劉世文 嘉靖戊午應制貢謁選授廣東順德縣儒學訓

導陞雲南臨安府儒學教授素有才學所至俱有聲稱

賢司鐸焉

唐一鵬 字九萬 萬曆癸未進士 由行人考選廣東道御

史疏止倭酋平秀吉封貢劾李如松妄開邊釁手裁凜
然巡按漕河浙江陝西三處廉直有聲終太僕寺卿明
帝御賜匾額曰盛世良臣

劉尚德 字崇吾 萬曆戊子解元任北直沙河縣知縣陞
雲南臨安府同知曲靖府知府廉潔惠愛有滇南清官

第一之名明時御賜匾額曰介石清操

單之賓 崇禎時拔貢任四川中江縣教諭陞劍州學正

攝州事詳忠臣

萬年策 字獻之 大啓甲子舉人明史載年策為兵部尚

書加行營之號許之獬有傳載藝文志

袁 翎 字鵬舉天啓甲子中式初任山東長清教諭接

士以禮待士以誠遊其門者如坐春風中陞來安知縣
丁丑七月流寇陡至有穿紅袍者單騎至城下大呼袁
清官不破爾城插旗為號經三日兵盡撤去縣境無擾
全活本縣及江北逃難男婦數千餘口當奉按院梁雲
構特疏具薦略云循良大著芳聲流寇不攻孤邑來邑
士民紀功立碑有賊亦愛清官之語後陞壽州知州

鄭維正 幼年博學訓子成名素以俠聞戊子兵亂收瘞

骸骨置萬人塚在今東山之麓鄉人德之以子逢元貴

受誥封

鄭逢元 字天虞崇禎癸酉舉人歷官總督禮部右侍郎
父歿奉母居餘慶孫可望據黔中強起之逢元辭書有
云絕裾請纓溫太真之後悔何及依劉為命李令伯之
陳情可憐終不就康熙六十年紳士具呈請鄉賢督學
院張批鄭逢元德功並立忠孝兩全身歿而名彰事久
而論定永為黔楚之芳型堪入春秋之祀典黃嘉穀有
傳載藝文志

以上奉文入祀鄉賢祠

〔忠烈〕

〔明〕

燕祖召 萬曆癸酉舉人任青州蘇州二州同知署府篆

計焚官鹽御賜匾額曰直臣廉吏歷陞浙江鹽運副使
並入祀鄉賢祠

單之賓 貢見前由中江教諭攝劍州篆崇禎末年流寇
破城整冠罵賊以死川撫具疏略云罵賊有常山之舌
臨難無苟免之心此一臣者所當恩恤以表臣節者也
奉 旨之賓贈國子監學錄伊子着來京承襲仍與他
祭塋一壇其死節事載明史忠義傳

按之賓鄉賢忠孝兩祠並
祀舊志相沿已久仍之

〔孝義〕

〔明〕

汪浩 前衛民割股嘗糞孝敬不衰親歿廬於墓側親

族勸歸哀毀不輟忽有白蛇入其袖中置之家龕繞爐
三匝不見人以為誠孝所感成化時奉 旨建坊旌表

何 恩 前衛民性至孝母病垂危偶思鹿脯恩割股以

代母歿廬墓三平弘治時奉 旨旌表

鄭嗣廉 前衛民性至孝嫡母唐早卒事繼母劉敬謹備

至劉病篤百藥不效割股以進病頓瘳逾年乃卒廉哀

毀骨立喪墓合禮鄉人稱之

〔國朝〕

田起虬 字角靈號赤生康熙己酉歲貢癸丑甲寅吳逆

僭號或勸其就選人可得美官堅謝弗往曰三桂狂悖

亡可立待可自污耶及三桂敗受偽職者咸被黜革虬

獨荷錄用人以為有先見之明皆服其高節性尤至孝
痛其母江氏遭戊己之變捍姑殉難終身不御華美每
歲時伏臘輟杜門謝客嗚咽終日至上塚日尤望空泣
奠勺飲不能入口為學務探關閩濂洛之旨不屑屑經
生章句敦崇倫紀誘掖後進動以古人為法學博行粹
國初至今言文獻者首推焉初任偏橋教授後歷任楚
之桂陽黔之湄潭安平三縣訓導所至熏陶鼓舞必盡
其職當補任安平時大中丞劉公蔭樞優禮遇之題
舉孝行有年踰七旬精神矍鑠文行兼優之語後卒於
任

以上舊祀忠孝祠雍正九年奉文立碑

夏之驄 字山子年甫歲半父即早歿賴母萬氏撫育成
立天性孝友妻死年始三十三歲誓不再娶朝夕母氏
膝下承顏慰志以怡母心母年八十二歲得染癘疾服
藥不效日吮癘數次及母病篤嘗糞三日母卒哀毀骨
立廬於墓側三年孺慕之心有如一日與兄廣文之駟
白首友愛子孫五十餘人尚未異爨尤人所難教子家
齊家禮俱醇謹在庠家禮舉優人以為不愧乾隆二十
二年署縣趙批准入志

鄭 達 字爾會喪母事父能孝康熙己未年吳逆兵變
舉家逃走父病足在床達年甫二十歲獨負父潛行歷
盡險阻至苗寨革溪暫息亡何革溪人民又復逃空達

獨守父不去忽有賊數人見達獨留疑有藏金抽刀欲
殺達跪泣求曰我逃難也因父臥病獨守在此願獨死
活我父賊義而釋之且贈以米父子因得全活又遇異
人贈藥父病尋愈乾隆二十二年紳士公請人志署縣
趙據儒學牒呈批云鄭達事父以孝履難負護雖未預
謀於前終能保全於後徵之賊感神遇孺慕終身鄉論
輿評流傳勿替是亦可堪列入以勉孝思餘有傳載藝

文志

賀士正 字錦儒天性孝友品行端雅好義樂施一本於
至誠喪偶尚在茂年且止有一子鰥居不娶及於暮齒
高潔之操鄉里敬之乾隆二十二年署縣趙批准入志

(官蹟) 縣里第... 二十二... 縣里第... 縣里第...

(明) 王... 縣里第... 縣里第... 縣里第...

高世儒 嘉靖甲子領鄉薦任四川西充萬縣兩縣主裁

凜凜不避權貴拂衣歸里囊橐蕭然家無儋石之儲晏

如也 高世儒... 高世儒... 高世儒...

高崗鳳 衛都指揮使嘉靖十九年五寨司奸細苗民侯

答保誘篁子坪等寨苗民出劫又鎮溪亞西苗龍柳比

等復畔屯聚蠟爾深山崗鳳由都指揮同清浪指揮朱

衣等率保靖兵抵篁子坪征討生擒首惡龍答已等並

擒獲侯答保又同辰州衛守備傅啓忠等進入蠟爾深

山多所斬獲二十一年篁子坪烏牌寨苗龍母叟及銅

平苗賊攻圍麻陽執知縣詔遣都御史萬鏜勘處鏜遣
崗鳳以參將統兵令辰州衛守備尤欽等立營高寨守
備鐵冠辰州衛指揮賀鳳等立營爆木坪守備周寶荀
瑞等領兵於丫刺關把截俱聽崗鳳調度搜山斬獲生
擒俘獲累立奇功後陞松潘總兵

曾鳳采

字新陽號紫庭萬曆壬子舉人家居跌蕩自喜

初任青陽教諭司鐸有聲補銓四川長寧縣令縣多逋
賦皆里長吏胥勾比為奸鳳采甫下車首革里長編入
均徭收賦銀如投鋸謹其權量吏胥莫能染指宿弊以
釐招撫流亡三百餘戶辟草萊五千頃民食其惠治狀
為巴蜀最丁父憂服除補藤縣藤俗刁悍賦額稍寬外

有脂名而中乾賦銀主進徵收之弊更甚鳳采刻意為
潔白公正之治釜甑生塵而聽斷明決吏畏民懷風清
弊剔臺使者知其廉明方列之薦牘而以冒暑溼竟不
起沒時囊橐如洗臺司及士民賻助乃克歸塋學使夏
公檄所司人祀名宦

龔漢臣 萬曆甲午舉人知廣東瓊山縣時邑當采珠征
黎後財力耗敝漢臣一切省節每從寬厚及以艱歸士
民咸思之

洪名鼎 字玉鉉登萬曆戊午乙榜官北直遷安宛平兩
縣教諭陞知縣時魏璫氣焰薰灼直省創建生祠自督
撫廵按以下無不諂媚名鼎過祠不下馬不入拜正氣

凜然居官綽有政聲後解組歸不復出里人高之

劉芳久 由省元知涿州州當畿輔首衝才能肆應政主
愛民崇禎末年闖賊犯順干戈擾攘所有軍需民感其
惠俱代供辦所全活甚衆後陞浙江參政尤以廉能著
聲

〔國朝〕

洪 灝 字弱水壬子亞元知井研縣時值吳逆變亂地
方凋敝招徠撫綏備極勤勞慈惠廉明士民咸愛戴之
因時事孔棘投紱歸里優游林下者幾三十年始卒云
袁祖憲 字子章素性恬靜至誠悃愾讀書而外無他嗜
好文行樸茂推重一時由乙酉鄉薦仕粵西宣化令清

廉慈愛士民德之及解組歸囊橐蕭然處之晏如子功贊壬子乙榜讀書忠厚克紹家聲未仕早卒鄰里咸為惋惜云

劉文選 字青若歲貢任婺川訓導司鐸有聲材尤幹練每地方公務所贊襄思南郡邑各當事多委任之

趙元章 字爾玉一字二米性嚴重尚氣節力挽波靡之習郡伯王公清碩聞其學行聘主西席雅相器重始終不干以私任獨山州訓導地界苗疆鼓舞化導士多悅從後子琴亦選獨山訓導未仕卒

夏之駟 字端卿端方持己和平接物性尤高簡一切世故不以櫻懷惟誘掖後進孜孜不倦晚任開州司訓課

國陳文礪行春風布席師範尤無愧云

鄭文雅字若韶號蓮山自幼至性過人比長篤於行誼
多行人所難能尤樂成人之美隱惡揚善釋難解紛有
共古人之風夙工舉子業曾受知於大中丞于公肄業陽
明書院同輩雅相推服由明經司訓畢節師道端嚴振
興樂育畢庠人士極愛戴之子廷獻癸卯恩科舉人
充雲南丙午武闈同考頗稱得士廷覲由優生仕至州
牧廷讓廩生皆有聞於時

田種類字和幼負異稟篤於孝友敏於文辭學行皆過
天性尤忱爽無齷齪態行己不苟與物無忤太樂觀其
光霽彌缺其耿直由恩貢歷任獨山黃平清浪清鎮

四學教諭管訓導事所至待士以禮接士以誠遊其門者皆如坐春風中其在清鎮安順郡伯朱公齊年極敬田禮之謂為真廣文過往皆不勞以迎送人以為異數云

按明時邑前雖有舉仕途者頗不乏人除載入鄉賢外今止查有高世儒以下六人其餘事實皆無可考無憑登載至入

國朝出仕原無多人今就耳目所及見聞者錄入其有政績未能確知者暫亦從略再有已載入鄉賢文學各條中者參互觀之自見亦不復載云

〔懿行〕一舉舉人士封受歲之千其德發

〔明〕即書劉同輩舉

洪國鼎之天啓間恩貢生平慨慷仗義築別業東山之麓
交遊甚廣目擊漏澤困湫監捐資另置義塚收拊憐賂
瀛至卒之地安厝者猶賴焉於至封邑人出身黨

〔國朝〕又顯行春風

高國琦 潛心學問方正自矢素有大志家衛指揮世襲
輪琦承襲不屑就崇禎癸酉補博士弟子員庚子食餼
五踏省門不售遂安於義命設帳授徒平清鎮沅四學
文行知名之士多出其門前督學錢公以文有本領強
之貢以年老辭不應乃准應貢以示嘉獎康熙年間兩
舉鄉飲始終謙退鄉人重之所著有學庸講義年八十
有二卒

洪國寧 字吉生為人雅負經濟甘老縫掖排難解紛樂
施好善鄉黨之間推為祭酒教五子俱成名年望百齡
衛守備吳殿芳製福壽二大字匾額贈之推為達尊
夏之驥 字德菴邑庠生天性孝友事父母生養死葬俱

夏自盡心竭力不以累幼弟舌耕自給己分應受田產推以讓弟以全友愛以悅親心平日舉止莊重言笑不苟人爭敬重性尤樂善節儉自奉己稍有餘輒以周急至有借貸不能償者悉焚其券以全族黨之誼窮年讀書博涉經史著述甚富邑中俊秀多受業焉乾隆二十二年紳士公舉蒙 署縣趙批准入志

唐世祿 縣人兄嫂相繼早逝世祿皆稱貸殯葬遺孤唐鏊尚在襁褓世祿撫育勝於己子求婚選配勉讀入學備極辛勤己惟一子寧忍己子凍饑必使兄子飽煖鏊偶患病焚香籲天願以身代俾兄得延一脈之祧以愚氓厚於骨肉可謂嫻於大義者矣

自盡心竭力不以累幼弟舌耕自給己分應受田產推以讓弟以全友愛以悅親心平日舉止莊重言笑不苟人爭敬重性尤樂善節儉自奉己稍有餘輒以周急至有借貸不能償者悉焚其券以全族黨之誼窮年讀書博涉經史著述甚富邑中俊秀多受業焉乾隆二十二年紳士公舉蒙 署縣趙批准入志

唐世祿 縣人兄嫂相繼早逝世祿皆稱貸殯葬遺孤唐

鏊尚在襁褓世祿撫育勝於己子求婚選配勉讀入學備極辛勤己惟一子寧忍己子凍饑必使兄子飽煖鏊偶患病焚香籲天願以身代俾兄得延一脈之祧以愚

氓厚於骨肉可謂嫻於大義者矣

按邑前集錄列入籍行者尚自有人因一付未起
公議未詳事實不敢錄入姑識於此俟後補入

田(文學)

(明)

鄭維藩 萬曆乙酉舉人 其於詩有中晚之目 豫章壇石

熊公亟稱之

洪運昌 字祚熙 天姿英敏 涉獵書史 發為詩文 直寫胸

臆 不屑雕琢 字句而有饒審致 尤熟悉前言 往行 凡有

關地方 諸著作 多出其手 耆年碩德 推重一時 子灝 壬

子賢 書孫瑄 增廣生俱有文名 能世其家學

(國朝)

田起圖 字義生 由拔貢 任保山 令遷雲州 牧時值探彝

田未靖風鶴震驚練鄉勇募弩手五百人防邏嚴密民賴
以安招徠流亡開墾草萊興學造士多善政性剛直逆
藩莊丁肆橫執而杖之坐是免官歸以詩酒自娛其詩
圭臬唐人氣格蒼老晚慕陶泉明效其體俱神似所著
有滇南景物草屏山草堂集年八十有四卒

鄭民安

字象和性嗜學於經史多所涉獵工舉子業攻

苦下帷無間寒暑為文理法醇正屢試前茅後登賢書
初任粵之隆安再任永從陞靖州牧廉明慈惠皆有政

聲

田毓龍

字雲從負性耿直植品端慤慎交遊嚴取與道

貌復藹然可親嗜古讀書手常不釋卷所為制藝理法

一準先民教授生徒經其指授成名者甚衆文今散佚人皆惜之

鄭君謨 字蒼石姿性敏捷每有撰著援筆立就雖取象止在目前而意自深遠尤工書法姿媚道勁有唐褚柳諸家筆意練習時務而性簡傲官貴筑縣訓導未竟其才而卒

萬鐘禮 字進可順治庚子孝廉官敷勇衛教授課文礪行士習翕然一變屢佐戎幕書記翩翩有阮元瑀之目尤工於詩音調諧婉格律老成不染時下纖靡之習一時多傳誦之

鄭君知 字咸一由明經仕龍泉訓導稱賢司鐸官冷耗

寒自奉頗豐有雅人高致勤學好古曾受知於學使林公麟焜

袁良佐 字庶康舉孝廉官大定學正自幼刻苦勤學為文理法兼到教授生徒必先德行而後文藝游其門者類文行兼優成名者甚眾居家孝友處世和平積德累行不求人知實有質之衾影可無慚告之神明可無愧云

許之獬 字直菴號蓮峯由拔貢任學博自幼聰慧絕人秀水姚公淳燾督學楚中見而奇之才名傾動一時比長博文強記經史百家多所涉獵其學精於辯證春秋或辯一編尤有功聖門大旨闡胡安國春秋傳夏時冠

周月之非謂夏以建寅之月為歲首商以建丑之月為歲首周以建子之月為歲首三代各取一義至斯月舉祭告朝賀之禮以為一歲始朔周以十一月為歲首至十月即為一歲故詩有曰十月改歲也其四時與月原未嘗改夫子與顏回為邦曰行夏之時第欲以建寅之月為一歲之首故其作春秋每年首春正月不首冬十

高有一月也引證凡數千言訂其是辯其謬皆發先儒所

未發前餘慶令長洲蔣深謂先生理學中人蓋篤論也子其晟廩生亦有文名惜賚志早沒

洪邁昌 字非熊別號書巖天性孝友品行端醇遠近推重鎮遠邑侯金壇王君寧長聘掌書記尤敬禮之性好

為詩於唐愛香山於宋愛眉山嘗取二家詩各集為帙
頗極自然之致晚年於東園池上結茅數椽即以白蘇
名齋與賓朋唱和為樂老而尤稱好事云乾隆九年舉
鄉飲大賓後補遵義訓導引年不就人皆以為高

高鵬

字扶九賦性直樸品行純粹鑽研書史老而彌

篤尤留心地方掌故前言往蹟一有見聞手自筭記急
圖表彰為一邑之公而不為一家一人之私卓有先民
遺軌乾隆九年鄉飲舉大賓卒年八十餘歲子九人凌
飛甲子乙榜餘及孫輩多在庠食餼人以為盛德之報

(遺佚)

士有攻苦下帷而艱於一第者雖曰時命豈非恨事哉

近見汝南州縣新志有遺佚一條義例甚善因仿行之
庶懷才不售之士不獲吐氣生前猶得留名身後不須
桂子落墳上亦足消恨地下也已
章登甲 文筆高超特出如天馬行空不受羈勒而自於
題有血戰之勇文宗象山錢公捷得其文嘆為軼倫之
才嘗謂人所刻試牘佳作雖多惟章生作為壓卷期許
良厚緋衣早至玉樹長埋人甚惜焉
張嗣良 字漢臣家素食貧囊螢奮志無間寒暑學成養
邃文氣沛然為文規撫先民而能自出新意識者評其
文如生龍活虎有不可摸捉之勢與黎平侍御張公應
詔同宗昆季時有二張之目嗣良屢科不第終素縫掖

侍御官顯達頗不忘舊因嗣良無子僅存胞姪厚有周

恤云

許之麀字鹿友品行醇正潛心經術於聖賢經傳體認

精細以學庸一書義蘊尤深鑽研之功幾廢寢食著有

學庸講義一編簡括明切善學者謂細心味玩之大全

說約諸書可廢也科被黜後應歲貢卒

田種良字子極賦性剛直敦本務實不預外事為文理

精法密格局謹嚴所宗法者成弘諸先正一屏時下才

氣馳騁之習授徒寬嚴相濟經其指授成名者甚衆赴

楚黔兩關皆見黜以明經終老弟種恒種心皆廩生有

學行皆淹擢卒

夏時堯 字必康 康熙庚辰歲貢 端慤直諒 平生無疾言

遠色喜愠皆不形於面 家貧授徒 自給絕無奔競營求

習坦懷接物人無論知不知無不長者歸之 同時先

輩負名望者甚衆皆推時亮德器為不可及 云子家言

亦質有其文 膺歲薦未仕 棄之士論之 云

萬慎獨 字敬菴 家故宦族 已獨樂恬靜 不苟言笑 採芹

後閉戶潛修 足不妄出 為文華實並茂 屢試前茅 文宗

閣中 格公尤亟稱之 後以明經選天柱 學訓導 未仕卒

洪國鑑 字以人 號虛齋 負質岸異 甫應童子試 即以才

氣動人 後刻苦為文 筆致蒼老 屢試優等 家貧授徒 自

給師範 甚嚴及門之士 得成名者甚衆 前大中丞鐵嶺

孫公古州司馬崇寧蔡公延至幕中皆敬禮之惜數奇
不遇終老明經人咸為扼腕夫其為學貧於財自
洪通昌 字厥成幼孤且貧母舅許富之撫撫之讀書用
功艱苦久之深造有得於經書精義融貫胸中下筆為
文不假深思有過者成矩過圓成規取之左右逢源之
致試輒冠軍一時負笈從遊者戶戶恒滿為人亦和平
耿直屢踏省閫不售老於諸生士論惜之子沂登己未
科進士克成父志官遵義石阡兩學教授又六年卒
隱逸無對對人無益不以此無下其表觀之同知矣

(明)

洪朝祿 字天申號東園崇本務實好善樂施性高尚不

洪朝祿 字天申號東園崇本務實好善樂施性高尚不

16
求仕進鍵戶讀書學問淹博時衛指揮子孫多講武備
務祿不惜囊金招集四方有學行之士開館講習一時始
知向學正嘉而後科名鵲起其倡導之功居多焉

(國朝)

胡士芳字瑤草號媚雪拔貢生幼有夙慧比長學問該
博多讀異書識奇字時有書廚之目自遭世變遂隱居
不仕或空山古木散策獨吟或偕一二耆老尊酒論文
疊疊終日意致蕭然康熙甲申學使華亭張公豫章按
臨鎮郡欲招致之不可得益嘆其高

萬崇信字聿修一字二廩進可子幼受庭訓篤志好學
酷嗜為詩吟詠甚富自占得盡之上九遂絕意仕進僻

處山村非借書不詣城市浮雲富貴漁釣自適有古高人逸士之風

〔列女〕

〔明〕

侯正一妻夏氏 正一御史大夫侯公位之父也正一早逝氏柏舟著節教子顯名當世一時推今之孟母享壽百有八歲大學士霍韜奏請敬典詔賜肉帛歲遣湖廣都司存問二次壽賜建坊歿賜祭墓苦節食報衛中前後未有如氏者鄉人榮之

許可妻張氏 可衛指揮嘉靖五年鎮草紅苗犯境可堵禦陣亡氏年十九矢志守節撫一子二姪克繩祖武壽

八十六歲隆慶三年奉 旨旌表

鄭東郊妻劉氏 東郊邑人氏年甫十九歲夫亡守節撫

遺腹子成立壽六十七歲兩院旌其門曰介石清操

張其威洪氏 其威衛指揮病故氏年十九歲撫遺腹子

四維成立承襲壽登九十一歲兩院旌其門曰慈節壽

考曰節有義方

萬年春妻葉氏 年春邑庠生病歿氏年二十歲撫孤鍾

隆苦志守節歷五十年如一日鍾隆性孝舌耕養母通

庠舉優行

張門洪氏

見節孝碑記
失名失傳

鄭嗣孝妻劉氏

年十八夫故守遺腹子 壽登九十
五歲嘉靖二年奉旨旌表曰介石清操

忠女洪氏 邑人洪鏜女年十三值鏜病篤嘗藥嘗糞累月衣不解帶明正德時題旌建坊旌表孝女洪氏之門
劉良臣妻鄭氏 氏儒家女知禮義良臣故氏年二十一歲歲忍死守志壽踰八十無子里人憐之

〔國朝〕

劉廷獻妻許氏 廷獻邑鄉官戊己年闖賊袁劉等潰兵陡至氏時避亂高寨懼為所辱引繩自縊寨破身首俱焚里人哀之

茆大綬妻陳氏 大綬邑人氏年二十二歲值綬病故守節一十八載己丑袁劉兵擁至氏逃避無計懼為所辱攜一子一女投江而死

袁良相妻許氏 良相邑生員氏年二十四歲值相病故
堅志守節戊己袁劉潰兵猝至勢已被迫氏知不免觸
牆破面吮血罵賊不絕口賊怒烹食其肉

袁良佐妻鄭氏 良佐邑舉人氏總制逢元女也年十八
值夫病剪肉和羹夫病以愈夫故氏年二十八歲靡他
矢志教子祖澤祖祜祖祐俱成名楚憲旌其門曰孝萃

一門

康熙二十九年

詹奇選妻陸氏 奇選邑人氏年二十四歲守節至七十
一歲卒有傳載藝文志

賀甲妻周氏 甲邑人氏二十四歲未故撫子守志歷四
十六年始終一節雍正二年士民公舉衛守備吳賜匾

旌獎有傳載藝文志

夏承衡妻萬氏 兵部萬年策次女年十八適庠生夏承

衡二十二歲值夫病逝氏欲以身殉姑力持之遂立志

守節上事舅姑備極孝順雖避兵苗菁而氏多方承順

甘旨無缺平定後舅姑得歸里俱以上壽終撫二子長

之駟方四歲次之驄方歲半鞠育辛勑稍長先教以小

學孝經方出就外傳父道母道萃於一身家雖宦族顧

素食貧氏竭力支撐所有歲時伏臘祭享舅姑生養死

葬教子筆墨膏火修脯諸費多取辦於十指孀守六十

年歷盡艱辛而冰心松操有如一壽八十一終子之

駟明經任獨山州訓導之驄縣諸生康熙三十一年奉

田華文宗旌獎而輿情以未顯被絲綸為憾
言侯璋妻鄭氏曰璋邑人氏年二十四歲璋故姑憫其青年
勸令改醮適有求婚者氏誓死以拒家貧紡績孝養尊
姑病奉湯藥歿營殯葬男子不及年九十餘歲猶康健
閩儀姆範為里黨所推敬教子世官成名今國學生康
言熙五十九年督學院沈其旌門曰節孝常伸

以上俱舊祀節孝祠

洪瑄妻劉氏貢生劉希亨女年及笄適邑增生洪瑄二十
四歲瑄故守節歷五十年有傳載藝文志雍正九年奉
旨旌表建坊賜曰貞節

夏之驢妻王氏之驢邑人氏年十九歲夫故苦節自守

教子成名有傳載藝文志乾隆五年奉夫姑苦節自守
旨旌表建坊賜曰貞節

許其仁妻黃氏其仁邑人氏年二十歲夫死於外氏痛
不欲生屢以身殉賴親族防護周至勸譬百端乃忍死
守節歷三十年於雍正年奉

旨旌表建坊賜曰貞節

陳世傑妻張氏庠生張我謨女適儒童陳世傑世傑病

故氏方青年家素貧乏誓死苦守淑慎勤儉聞於里黨

撫子陳錦陳俱能成立年今七十有三乾隆二年奉

旨旌表建坊賜曰貞節

田種心妻鄭氏種心縣學廩生氏儒家女年十九歲于

藝文志乾隆九年奉

旨旌表建坊賜曰貞節

洪期昌妻夏氏 期昌縣人遭變故氏年二十二歲撫遺

腹子守節三十六年士民公舉上憲旌其門曰彤管清
徽乾隆十年奉

旨旌

表建坊賜曰貞節

鄭文雅有傳見藝文志

邱文

炳妻孟氏

縣民孟瑞生長女二十歲適儒童邱文

炳

甫二載文炳病故翁姑勸令改適氏截髮誓守家素

貧

不墓文炳孝事翁姑生養死墓皆出自紡績其事翁

姑必

竭力備甘旨自惟食粥茹菜極人所難堪艱操苦

况歷三十九年如一日撫子邱坤亦能以勤儉持家云

乾隆十三年奉

旨旌表建坊賜曰貞節

田賦國妻江氏 賦國邑庠生早卒氏苦志守節順治戊

己亥劉潰兵猝至氏避亂涼傘寨寨破姑媳被執賊曰

吾殺姑活汝氏厲聲大罵賊舉刃向姑氏引頸就戮頭

已斷猶轉身兩手抱姑仆地屍覆姑身而死賊亦驚異

謂姑汝婦孝饒汝姑因得免乾隆二十二年奉

旨建坊旌表賜曰貞節

以上八名俱先後奉 題請建坊旌表

鄭宏緒妻劉氏 縣庠生劉希述女年十九適庠生鄭宏

緒警雞佐讀稱賢內助夫病故氏年二十三歲立志守節上事翁姑問寢視膳惟勤惟謹病侍湯藥歿營祭墓皆盡孝道夫歿二子茁秀三歲蘭秀遺腹生氏鞠育辛勤稍長教養兼至二子雖業儒未就而務本忠厚皆訓誨之力氏自幼端莊淑慎夫亡尤柏舟自矢非其內戚罕有見其面者計守節四十四年有如一曰乾隆二十年奉夫姑力因之歸者以東誠縣志卷八之爲其大

旨旌表賜匾曰清標彤管

黃瑞妻陳氏瑞縣儒童病故時氏年二十五歲矢志守節家鮮產業氏惟勤女工以養舅姑甘淡薄以育幼子舅姑相繼歿喪盡哀盡禮撫子成人教以勤儉勉以

讀書應試夫死後家不讎會足不輕出門者歷三十五年乾隆二十年奉

旨旌表賜匾曰清標彤管

詹壻妻雷氏縣民雷春先長女年二十適壻為室二十二歲夫故氏因乏嗣欲以身殉親族諭以立孤延祧大義乃始忍死過堂姪詹之屏為子家貧晝夜紡績承事翁姑撫育嗣子不辭勞瘁葬祭翁姑皆如禮撫子能成立讀書可望上進守三十五年乾隆二十年奉

旨旌表給匾曰清標彤管

洪志昌妻陳氏

志昌邑庠生家素淡薄氏織紉佐讀必

敬必戒夫病歿年甫二十二歲翁姑以氏年幼勸令再

醮氏泣拜於夫之靈截髮自誓翁姑知其志不可奪爰
慰安守節過繼堂姪洪瀛為嗣氏奉養翁姑撫育嗣子
孝慈之德與貞白之操兩極其至云計守節三十五年
乾隆二十年

旨旌表給匾曰清標彤管

以上四名乾隆二十年 題給匾並准將姓氏鐫碑
載入志書

趙元章妻袁氏 元章邑貢生氏年及笄歸元章為室元
章家貧親老章舌耕在外氏勤女工家雖艱窘奉翁姑
甘旨無缺及翁姑病醫藥罔效殆將不起氏計無所出
焚香告天引刀割股為治湯以進姑飲而甘之沉疴頓

痊若默有神助時元章在外歸始知之氏堅囑隱其事
即其子亦於其沒後始知蓋其孝性出於至誠無近名
意也雍正元年通學公舉 督學院張賜匾曰孝聞閩
內

鄭必位妻袁氏 舉人袁良佐次女自幼嫻內則淑慎之

德成於天性康熙丁丑年十八歲歸庠生鄭必位為室
生一子文命並二女迨年二十七值必位病故上有衰

姑下有幼子忍死守節仰事俯育備極辛勤姑病割股

以進姑沒喪葬盡禮子幼則禁其嬉戲長則教以成名

尤不忝儒宗女且持躬端肅治家勤儉睦族和鄰樂施

好善苦操懿行內外稱之胥無間言氏卒於雍正壬子

計守節二十七年

洪穎昌妻蔡氏 年十九歲于歸穎昌二十五歲穎昌客死於蜀氏痛衰姑無人侍養孤子無人扶持堅志苦守養姑撫子後變賣釵環及蓄紡績之資命孤子洪沼搬迎夫骨埋墓里人稱之

夏世昇妻徐氏 氏年十四歲即適生員夏世昇生一子道明年二十八歲而寡氏柏舟自矢勤紡績以奉二親本義方以教孤子道明卒能成立列名饗序迨翁姑歿殯殮祭墓人皆稱其有禮

劉訓妻姚氏 縣生員姚明遠長女年十八適邑生員劉訓甫六歲值訓病故氏即絕粒願以身殉親族勸以雙

孤幼穉家貧無人乳哺氏始泣謝堅志守節女工度日
母子相依勤謹家計至今四十年始終如一日

單子益妻彭氏 氏年二十適子益為妻二十四歲子益
病故一子大學方二歲事親育子誓死靡他教子大學
成名娶媳潘氏不幸大學又故氏與寡媳潘氏同心撫
孫苦節四十七年現年七十三歲

黃美玉妻徐氏 縣民徐君仲長女年十八歲適堡民黃
美玉為配時姑年老家貧紡績度日越六年美玉歿於
蜀氏聞當欲身殉姑勸乃止子宗聖甫六歲氏撫成立
生一孫名天爵方三歲宗聖又外出氏撫幼孫茹苦守

節至今四十七年堅苦有如一日

24

劉宏源妻聶氏 縣民聶愈恬長女年二十二歲適生員
劉宏源為妻生一子成韶于歸五載宏源病故氏矢志
守節家貧晝夜惟勤紡績養姑育子毫無怨言姑卒喪
葬盡禮教子成韶雖業儒未就亦遵母訓婉愉孝敬深
愜氏心

胡瑞妻唐氏 縣民唐旭如次女自幼童養夫家年二十

歲完配二十二歲而寡無子僅生一女過繼堂伯胡珍
之子為子名友梅為之娶室未幾友梅又故復繼堂弟
胡 之子為子名友模兩次過繼均備極慈愛家貧侍
養翁姑及翁姑歿葬祭之費俱出自十指孝節兩無所
忝人皆稱之現年七十有一

孝女洪氏 氏縣生員洪遂昌次女其堂弟允昌年逾四

十無出氏甫生於血盆內抱以為女撫養成人後允昌

亦舉二子曰漣曰瀾氏友愛勝於同胞賦性至孝年及

笄允昌夫婦欲為擇婿氏聞泣謂母曰兒不幸為女子

蒙父母養育恩今成人雖碎身莫報且父母年已老兩

弟俱幼願終身侍奉兒願足矣如父母欲為兒計兒寧

以死報誓不從也允昌夫婦及本生遂昌夫婦屢為勸

諭又欲招壻以配毫不動心矢志彌堅值父母繼歿三

年之中晝夜哀泣不止足不履戶外兩弟成立授室氏

待兩弟婦如親姊妹從無半語交謫雍正丁巳氏年五

十值弟瀾夫婦一月中相繼偕亡遺一子瑀尚在襁褓

伯父漣雙目皆盲不能照顧氏辛勤撫視及瑀五歲令就外傳每夜紡織伴讀瑀或稍倦氏即泣謂曰汝不幸父母早喪當發憤讀書上光祖宗下使父母瞑目地下懶惰愉安尚何望乎瑀乃感悟得以成立列名饗序氏撫育之恩也氏現年六十九歲自少至老雖至親族戚亦不輕往來長齋繡佛故至今里巷但聞其名並未有覩其面云

胡之德妻黃氏 年二十二歲歸之德為室生一子一女子名應容甫五歲之德身故翁姑年老子幼弱氏堅志苦守孝慈並篤現年六十四歲

夏家珩妻孟氏 邑人孟瑞生女適家珩二十四歲而寡

一子世泗方三歲氏誓不再醮侍奉衰姑生養死墓無不盡誠盡禮撫子世泗稍長令就外傳習儒應試克遵母訓氏現年五十八歲

袁功贊妻黃氏 思郡黃卷四女年二十歲適本縣生員袁功贊警雞佐讀無間寒暑功贊於壬子科遂登賢書二十七歲值夫慘故無子僅遺一女因立叔氏功試之子福恒承祧福恒以家苦貧不能存活遠貿未歸氏以翁姑早逝伯叔相繼俱亡無可因依乃暫依其女夫黃源住坐晝夜啼泣以望子歸貞操苦節里人憫之現年五十歲

夏家佐妻洪氏 邑人洪履昌長女二十二歲歸儒童夏

家佐年二十四歲值夫病故氏毀務面誓以死守生一
子方三月氏日夜撫之而泣對夫靈願保其成立家雖
艱窘夫死之後惟鋤園拈針易粟以養翁姑甘旨無缺
翁姑繼歿營喪營葬必哀必敬事繼姑亦始終敬謹不
少懈忽撫育幼子知延師無力惟勉其苦耕率以勤儉
期無墜家聲守節三十七年現今六十一歲

王道仁妻袁氏 年十六歲歸道仁二十五歲道仁病故
遺一子四女其子名朝輔甫二歲家復貧甚氏惟針指
茹藜藿苦志撫育歷三十三年有如一曰鄉里皆為悼
恤

單大學妻潘氏 年甫十八于歸大學四年生子紹魁方

九月大學病故氏矢志不再醮撫子成立娶媳沈氏生子宗郊甫二歲紹魁又故氏上同衰姑下同寡媳共撫宗郊守志三十二年現年五十五歲苦節一門里人賢之

洪潔妻陸氏 處士陸良卿長女年十九適儒童洪潔淑慎勤儉克敦婦道生一子一女甫五載值夫病故氏忍死守志家雖官族實貧苦氏勤紡績典釵鈿上奉舅姑下哺子女孝慈之德至誠且篤子翊雖獨子氏務教以義方卒能成立氏守節三十三年現年五十七歲

洪琰妻周氏 郡民周時禮長女年二十二歲歸洪琰三

載琰故無嗣時姑年衰老氏願守節事姑撫姪洪其盛

27
為子其盛故復撫孫洪如鈞以繼其後現年五十六歲
貞操苦節始終一日

王道全妻夏氏 縣廩生夏之駱第四女年二十一歲適
道全為妻甫五歲道全病故遺二子長朝賢次朝士氏
姑慮家貧不能苦守欲行再醮氏堅志自矢哀毀不從
撫二子養衰姑備極艱辛守節三十年現年五十六歲
周世隆妻洪氏 年十九歲于歸世隆九載生子大志大
經大明世隆病故氏年二十八歲堅志撫子家至絕粒
志不少變現年五十五歲計守節二十七年
許翊妻唐氏 年十八適邑生員許翊年三十歲值翊病
故遺子士元士銑士見家道貧苦即藿粥有不繼者氏

堅志撫子冰蘖之操始終一致現年五十四歲

許翹妻夏氏 邑人夏健菴三女年二十歸邑增生許翹

為室翹苦讀得弱疾病故氏年甫二十七無子僅一女

方三歲時繼祖姑雷氏姑洪氏俱孀俱老在堂撫翹棺

哀痛欲絕氏痛夫死氣絕者再稍甦乃忍死飲泣反勸

慰兩姑請立姪士寬為子以延夫祧願奉兩姑終身家

雖仕族田已鬻盡氏晝夜操作並罄奩資竭力供膳甘

旨無缺己則食菜啜粥極人所難堪及士寬長娶媳撫

王孫備極劬勞姑死喪盡哀盡禮繼祖姑九十尚存事

之始終無倦操家勤儉持身淑慎歷今二十八年有如

一日

洪溥妻袁氏氏年十七歲歸邑人洪溥為室生一子名

玠方一周即值夫病故氏年二十一歲忍死撫孤以延

夫祧貞操苦節歷三十四年有如一曰現年五十五歲

於君爵妻洪氏年十八歲適君爵二十二歲而寡生二

子臣韜臣略氏忍死撫孤守節家素貧窘晝夜勤女工

供飲食且奉舅姑下哺弱子自惟茹菜啜粥備極艱苦

舅姑沒墓祭雖不能豐必誠必敬卒亦如禮教子有義

方二子雖業儒未就貨殖營生而公平正直人皆敬信

王孫男一芳青年遊泮人以為苦節之報卒年五十四歲

蔡學傑妻劉氏邑人劉瑄三女適蔡學傑為妻年甫十

八學傑病故氏年二十二歲生一女方四歲一子蔡明

方一月家甚貧寒或勸其再醮氏誓死不從凡養姑育

子之費皆婦辛勤紡績所辦窮苦守志里人稱之

王道亨妻鐵氏 邑人鐵炳長女適王道亨為室年方十

九道亨身故氏年二十三遺子長朝彥方四歲次朝立

方歲餘氏家貧如洗女工度日卒能撫子成立守節三

十九年里人稱為苦節

賀士瑾妻陳氏 氏年二十一歲于歸士瑾二十八歲值

夫病故遺子廷樟方二歲氏痛不欲生因伯士正可倚

氏乃忍死撫孺廷樟卒能成立氏鞠育之恩也現年五

十三歲

胡應鳳妻吳氏 氏年二十一歲而寡無子策金二歲氏

矢志撫子苦節自甘足不輕出閤門持躬淑慎人皆欽之現年五十二歲

洪溢妻鄭氏 邑民鄭達次女年二十歲適溢為室于歸四載值溢病故遺二子洪坪洪玖俱嬰孩氏忍死守志上奉翁姑下哺兩孤備極辛苦翁姑相繼沒衣衾殯殮之費皆出自十指所辦教子不少姑息故二子雖家貧惟苦讀肄業冀仰酬母教云

劉調繼妻楊氏 郡民楊光煜女年二十歲適縣民劉調為繼室二十四歲而寡無子撫調前妻遺孤澤周年方三歲鞠育恩勤視若己出氏母唐氏慮及家貧難守勸以再醮氏泣不從矢志益堅撫子澤周完姻成名備

極艱辛邑人重其苦節現年五十一歲

右自洪履昌妻夏氏以下三十六名俱乾隆二十二年署縣趙據紳士耆庶人等舉報批准入志

胡敬乾妻楊氏 縣民楊盛泰女年二十歲適敬乾為室二十四歲而寡生一子方在襁褓翁姑皆衰老事老撫幼備極孝慈未幾貧又見背家益貧窘氏日則鋤園夜則紡織積易升斗養姑哺子及姑後沒一切喪墓獨力維持皆能盡禮年登八十九歲乾隆二十三年奉

旨旌表建坊賜匾貞節

孝婦劉氏

縣處士劉昆若女適原任義州牧鄭廷覲為

室自幼嫻內則語言舉止動有禮法于歸後相夫子事

舅姑克敦婦道性至孝舅文雅可訓畢節卒於任喪歸
氏經理塋祭盡哀盡禮視事生時誠敬彌篤姑素多病
廷覲官遊在外歷二十年凡姑飲食藥餌起居櫛洗必
躬必親不假手媳婢夜則同寢不忍少離聆其謦效立
即起候安而後已姑病少加侍奉勞瘁至廢寢食每憂
形於色姑或憐之輒勉強歡笑曲為寬解凡事皆先意
承志姑篤愛諸孫男女以子在外常慮婚嫁愆期氏獨
力拮据連娶三子媳嫁兩女俾姑得及見為悅及姑卒
含殮塋祭哀禮兼盡歲時尤必戒其子積誠致敬以祀
先塋廷覲令海澄牧義州屢請終養蒙上憲挽留不得
予告歸養皆賴氏賢孝在家以婦代子少減其憂也生

平善行尤多鄉里稱之罔有間言乾隆二十三年邑眾公舉孝行署縣趙有劉氏孝恩懿行克盡婦道之褒

焉以上二名乾隆二十三年增入

以上紀載或據舊志略或近代旌表但按順治丁亥戊子乙丑等年

王師蕩平未至慘遭流寇張先璧皮熊袁宗第劉體純等相繼屠戮平谿士大夫殉義死者固不乏人而婦女殉節死者尤眾今田賦國妻江氏悍姑殉難最慘烈固已上荷

褒綸顯樹棹楔顯幽流芳足慰貞魂次則劉廷獻妻許氏茆大綬妻劉氏袁良相妻許氏列名祠廟春秋俎

豆亦稍瞑目地下其餘或被執罵賊甘蹈白刃或投
 繯赴水畏辱自盡類皆奮不顧身堂堂大節足泣鬼
 神即居常矢志忍死延祧或並乏嗣或更窮扼萬苦
 千辛束身待盡情皆可憫或因簡編失載或子孫故
 絕請旌無人其名湮沒而不彰者正不知凡幾即如
 傳有廩生陳世祿長女煥妹年十六歲被皮兵強擄
 上馬過洋平渡奮身躍下投河而死又聞舉人鄭君
 錫任袁州府時妻李氏妾劉氏城破被逼不辱大罵
 投井而死志皆失載其為泉壤之憾何可勝道姑識
 於此以俟異日訪實或有表彰之者

（流寓）

(明)

余 翱 鳳陽人進士官四川道御史嘉靖間以爭大禮

謫戍平谿

熊明遇 字良孺號壇石江西進賢人萬曆辛丑進士天

啓元年官南京右僉都御史提督操江五年給事中薛

國觀劾其黨庇狗私魏忠賢即矯旨革職坐汪文言獄

追贖千二百金謫戍平谿在衛建鴻雪草堂偕子衿遊

玩山水賦詩飲酒為樂衛中名勝經其標目人物經其

品題增價什倍藉以造就成名者甚衆崇正元年釋還

起兵部侍郎進刑部尚書四年召拜兵部尚書邑人至

今想其風韻猶稱大司馬熊公壇石云

32
〔國朝〕

畢弘 字弘初高郵州人懷經濟才不售客遊於楚康熙二十年間入清浪衛幕而平谿清浪兩衛地方興革諸務多所贊襄至兩衛錢糧改征一審至今尤食其德後以平谿仁里可處遂家焉性豪舉坐客常滿芥視一切人以為有孔文舉陳孟公之風

周希孟 字孔所江西金谿縣人由明經仕賓州牧順治年間遊平谿與大司馬萬公年策為道義交因卜居焉

程欽 字翼亭山陽人由乾隆戊午鄉薦來黔歷官涓潭仁懷清鎮三縣令所至慈惠敏練循良著聲後罷官過玉屏愛此邦風土遂寄寓焉為人器識宏遠喜愠不

形於色而才氣清麗著作皆卓然可傳丁丑九月卒於平江經濟才猷未獲大展良可慨已

張世顯 字翼洲蘇州人曾任弋陽知縣罷官後遨遊來黔乾隆丙子寄居於玉邑之中所街一畝之宮蒔花藝蘭大有隨寓而安之意為人清不絕俗和不失己其器量尤非人之所易測云

〔仙釋〕

張三丰 明初一瓢一笠棲石蓮峯下來去城市蹤跡不測鐘鼓樓之建基址方向皆其所定後遺記而去曰百年以後無平谿予張掣躡也

鹿皮翁 椎髻藍縷不知何許人披鹿皮遊於市時舉人

鄭維藩乏嗣翁詣其門曰培補心田當生貴子約期來
賀及藩生子果如其期賀罷一笑而別莫知所之後藩
子逢乾逢乾子君錫皆貴卒如其言

惺念 蜀人聞崇正時曾任遊擊鼎革後披剃為僧由黔
靈山雲遊至紫氣山遂住錫焉戒律精嚴禪誦之餘冥
心參悟後乃通慧一時士大夫皆敬禮之謂叢林中多

俗念未除惟師一人真出家真僧而已師一傳雲石再
傳模菴三傳天祐俱有戒行一登相續至今未墜云

自然和尚 麻陽袁氏子早年入學食餼康熙丙子遨遊
至鮎魚堡廣福林遇法昌和尚問答有契遂棄俗出家
一切妄念一霎割斷日夜專習坐工每日領水頭執事

雖大雪亦止單衣赤足從不熾火在廣福林四十餘年
若瘖啞然從無一語有與之言者笑而不答乾隆八年
臘月初五日忽辭大眾至初八日大雪隱身入山時年
九十二歲鶴髮童顏又於九年二月在羅家坡現身數
次有堡內牧童見之問其所在答云我在者裏看牛及
眾蹤跡之不知所往

論曰玉自明初建設軍衛籍以來者皆六郡良家子家
雖介冑相繩而絃誦弗輟號為君子軍厥後科名接踵
冠蓋相望一時人物彬彬稱盛矣然而足為地方重者
尤有在也惟其德業文章各能豎立忠孝節義代不乏
人斯乃山川間氣所鍾蔚為邦家之光又聞之人才

34
消長之故與時污隆今

聖天子壽考作人倡明化導於上而教澤所蒸鬱為風氣宣
為文明有必然者邑人士苟念典典型未遠爭自濯磨應
運而興庶幾後先相耀也已

玉屏縣志卷之九

事紀志

事紀

雜紀附

平溪古為西南彝地漢唐以來師旅之事無代無之自明置軍建衛初尚武功繼修文德事故寢多今我國家損益百代郁郁乎文其所為制度尤有所當大書特書不一書者迺採舊聞稍加詮次俾後有述焉作事紀

(宋) 志

(事紀)

(周)

楚頃襄王遣將莊豪

一作

從沅水伐夜郎軍至且蘭柁船於

岸而步戰

後漢書按此西南通道之始

〔後漢〕

建武二十四年馬援率中郎將馬武耿舒等征五溪蠻明

年春軍至臨鄉遇賊攻縣援迎擊破之斬獲二千餘人

皆散走入竹林中

後漢書

〔宋〕

志

太祖三年七月珍州刺史田景千內附五溪團練使洽州

刺史田處崇上言湖南節度馬希範建敘州潭陽縣為

懿州署臣叔父萬盈為刺史希範卒其弟希萼改為洽

州願復舊名詔從其請十二月詔溪州宣武五溪團練

使刻印以賜之

宋史

王神宗熙寧九年章惇招降五溪蠻五溪皆平

綱目

神宗元豐八年湖北轉運使言辰州江外生蠻單仕穗等願內附不許自後五溪郡縣棄而不問

紹興六年詔沿邊溪峒諸州置弓弩手知鼎州張翬言澧辰沅靖與溪峒接壤祖宗時嘗置弓弩手得其死力比緣多故遂皆廢缺因詔荆湖北路帥師以聞帥司言今辰靖等州兵乏守誠復置立分處要害量給土田訓練以時耕戰合度庶可備禦詔從之

孝宗乾道元年詔平溪峒互市鹽米價聽民便毋相抑配其徭人歲輸身丁米務平收無取羨餘及折輸錢違者

論罪

宋史

乾道六年廬陽西口獠陽朝寇邊知沅州孫叔傑調兵數

千討之敗績。時宰臣虞允文奏曰：變彝為變，皆守臣貪功所致。今猛人仇殺守臣，若更叔傑量遣官軍示以兵威，徐與盟誓，自可平定。帝允其奏，俾葉行代叔傑開示恩信，慰以禍福，遂招降之。邊境悉平。

湖廣通志

毋昧

寶祐五年十一月，詔京師湖帥臣黃平、清浪平溪分駐屯戍。庚辰，詔三邊郡縣官無擅離職守，諸制帥臣共嚴糾

察

宋史理宗本紀

〔元〕

世宗至元二十七年，設平溪軍民長官，隸管番民總管。

元史

〔明〕

洪武五年三月，辰州十八洞及地溪九渡米坪散毛標

洪武五年八月鄧愈率師平散毛等三十六洞而副將軍
為副討平之舊志略

洪武五年八月鄧愈率師平散毛等三十六洞而副將軍

吳良等平五開潭溪古州諸蠻凡二百二十三洞

政紀明大

洪武十三年湖南五溪蠻作亂江夏侯周德興請行征討

師至蠻悉散走不敢復出

湖廣通志

洪武十四年九月征南將軍傅友德率大軍由辰沅趨貴

州征雲南

湖廣通志

洪武十四年傅友德副將軍藍玉沅英征雲南大軍由辰

沅趨貴州進取普定擒安瓚諸蠻犵狁聞風迎降貴州

路通沿途設堡此平溪設堡之始於時尚未建衛

舊志略

洪武十五年詔傅友德及藍玉班師留洮英鎮滇中

明史

洪武二十二年置平溪衛屬湖廣都司

明史

洪武二十三年六月詔給平溪清浪鎮遠備橋等十三衛

屯牛

皇明大政紀

洪武二十四年古州諸洞蠻作亂命都督俞通淵率辰沅

貴州諸衛軍討之

皇明大政紀

洪武三十年五月命楚王楨率護衛軍以湘玉柏為副統

都司所屬諸衛征古州洞蠻

皇明大政紀

洪武三十一年令兵部凡所官子弟在外衛所者十歲以

上即令供職還原衛讀書習弓馬以候比試

皇明大政紀

洪武三十四年五月湖廣五溪蠻作亂江夏侯周德興請

38
行七月周德興師至五溪苗悉遁去

皇明夫政紀

宣德元年鎮遠邛水奧洞蠻苗銀總聚兵欲攻思州總兵

蕭綬調辰沅諸衛兵壹萬四千勦之

通志

景泰五年巡撫王永壽以苗賊蒙能攻圍龍里新化銅鼓

五開諸城調兵勦之而賊欲取龍里為巢穴急攻破亮

寨銅鼓羅圍堡諸城都指揮汪迪為賊所殺朝議以南

河伯方瑛為平蠻將軍統湖廣諸軍討之蒙能糾賊三

萬出攻平溪衛瑛遣指揮鄭泰等以火鎗攻之斃賊三

千人能亦被殺而能黨李珍尚煽惑苗衆官軍討擒之

克復銅鼓藕洞連破鬼坂等一百六十餘寨覃洞上陸

諸苗悉降

通志

按是時衛指揮張俊領千戶一人

名牛

百戶一人

名失

巡哨至

太平堡突遇能至舉炮為號苗追至三家橋三人皆遇害掌印指揮鄭泰聞炮聲乃得為備今人但知鄭泰大功而張俊三人巡哨有功且俱被害久已淹沒故附志於此

成化元年各省奏報水災詔戶部勘實被災地方辰沅以上平清偏鎮辰沅六衛地方給與屯種成熟准折月糧

史明

弘治己未十二年夏四月闔衛紳士赴闕乞建衛學時官

寺李廣等擅權意在納賄蒙蔽不允

略

辛酉十四年夏五月闔衛紳士赴闕再請建學值火篩入

寇內帑空虛不允

志

十七年閏四月闔衛紳士三赴闕乞建蒙大學士李東陽

疏請命下允之衛乃有學

志

正德辛未六年江津賊首方四等七人寇軍民屯堡貴州

都司清浪參將等合軍討之斬賊首四人擒方四三人

於平溪城北河下悉殲之有碑紀功

志

正德己卯十四年兵部郎中侯位黃鞏等諫止邊幸廷杖

降罰

志

嘉靖元年詔正德時各官諫止邊幸降謫為民者復職衛

人侯位陞操江巡撫轉兵部左侍郎

嘉靖四年謫四川道御史余史翔戍平溪以爭大禮故也

嘉靖四十年略苗匪四出直噴與余史詳太平燕入母六節

嘉靖十七年庚戌紅苗出劫近北河城中軍少巡捕指揮

高冠獻禦苗策取通域內外龜錫置津渡處官軍嚴守

苗人赤脚不敢前患乃定是年思州再陷略

嘉靖十八年六月命征南將軍仇鸞調平清偏鎮四衛軍

從征安南指揮高岳弟高序赴敵死之有功賜天堂地

半略家原參謀等合軍格之陳軍首四入為六四三八

嘉靖十八年菓子坪龍者恰之子龍母史聚眾攻劫其後

大小略變與亞西等寨苗頭龍求兒等見彼劫擄獲利

因糾銅平苗寇劫以清浪衛指揮僉事朱衣守備鎮軍

十九年正月進於爆木坪是時苗尚知懼每寨各出牛

40
馬求退我師至三月五寨司奸細侯答保刻箭誘箐子
坪團溪板粟惡黨及銅仁旦達諸苗出劫又鎮溪亞西
苗龍柳比等復叛苗之禍大遂屯聚騰爾深山辰沅兵
備副使李瑜調徵永保土兵委平溪都指揮高崗鳳同
朱衣率保靖兵六百進抵箐子坪惡黨寨苗頭龍遠吳
得狗等咸請隨軍徵討生擒首惡龍答己等七十七名
俘獲屬五十二名並擒獲奸細侯答保解道羈候瑜又
遣辰州衛尤欽傳啓忠同高崗鳳督衣保鎮溪兵一千
進入騰爾山功幾成奉湖廣撫按兩院火牌令退兵隨
將叛苗餘黨招撫安置

嘉靖二十一年箐子坪烏牌寨苗龍母叟糾合龍求兒及

銅平苗賊攻圍麻陽城二十二年都御史萬鏜遣使指
揮李勇著落統兵參將高崗鳳都指揮潘璵等督令撫
苗土官田應朝帶領鄉導健步人等撫出賊首龍求兒
龍母叟并從惡龍柳補吳老瓦等共五十餘人萬鏜臨
辰州查得叛苗餘寨未歸降且阻留撫苗百戶二員於
山內乃調永保酋平及兩省附近官軍一萬一千七百
名令辰州衛守備尤欽指揮吳山何清沅州衛指揮葉
森督永順宣慰彭宗舜及鎮溪土官田應朝入高巖立
營平溪衛守備鐵冠辰州衛賀鳳陳官督保靖宣慰彭
蓋臣并算子坪土官田興爵等所領入爆木坪立營守
備周寶荀瑞辰州衛指揮張一夔督原調防守五寨麻

陽地方兵於丫刺關把截鎮守備李英往來總為提調俱聽參將高崗鳳都指揮潘璵調度是時苗賊蓄食頗多羣聚抗敵勢益張大復添兵萬餘次第搜山斬獲生擒俘獲甚多奪回原委撫苗二員並被擄男婦七十七名口因暑雨師難久暴遂班師

嘉靖二十五年丙午衛人副都御史侯位因平溪清浪偏

橋鎮遠四衛諸生洞庭覆舟之變題請將四衛附黔鄉

試於湖廣舉人額內撥五名入黔允之

貴州通志於丙午科載增五名又林喬相請廣額疏內亦云二

十五年爲湖廣偏橋等四衛始增五名云云並載通志

由是學校隸黔屬思州提調

舊志略

萬曆二十九年改平溪清浪隸貴州

通志

萬曆三十年楚王疏留四衛云係湖南爪牙留通滇南邊

徵

舊志略

萬曆三十一年夏四月復以四衛隸湖廣

通志

萬曆末邛水長官楊光春貪暴土目彭必信濟之都御史何起鳴捕光春下獄死必信訴於朝歸謁知府王一麟一麟縛之下獄檄諸苗言若等所苦者以兵餉月米三斗過甚耳然歲給白蟲舖米每洞月八斗他於平溪驛遞剩餘徵銀兩皆可足餉我為若通之母為必信所誣

衆皆悅服

明史土司傳

土酋田真素與衛百戶田勝仕聯宗相好真謀構亂勝仕計給真於城北聖塘戲看龍舟官軍暗伏卓嶺茅坡等

處合圍追至樹眼洞擒之亂遂定

舊志略

天啓五年三月右僉都御史提督操江熊明遇革職謫戍

平溪衛

明史列傳

崇禎九年貴州苗亂總督朱燮元命平溪衛所軍官排門

操練謹防苗患

舊志略

〔國朝〕

順治四年丁亥歲總鎮張先烈潰兵突至城中焚掠一空

舊志略

順治五年戊子六年己丑流寇袁宗第劉體純相繼屠戮
衛人避兵高寨涼傘各苗寨悉被殘破鷄犬皆盡道瑾
相望孑遺殘黎直待

王師恢復就招撫者湯火餘生而已

舊志略

順治十五年三月大將軍固山額真羅託同經略洪承疇

統兵取貴州

通志

順治十五年五月偏沅巡撫袁奉部文取衛軍糧丁冊進

呈

御覽

舊志略

順治十六年己亥裁衛指揮世職設守備一員招集流亡

填實孔道編官軍為屯民

舊志略

順治十六年經略洪承疇准發牛五十隻借給軍人開墾

荒田死者驗實免賠

舊志略

順治十七年總督趙廷臣題請平清偏鎮四衛生儒照舊

赴黔應試

通志按斯時逃遁未歸應試者寥寥故改小學授訓導一員

貴陽大中印刷所承印

康熙三年裁各學訓導每府衛各設教授一員州縣六學
設學正教諭一員小學設訓導一員

通志是年平溪
設教授一員

康熙十二年吳三桂反於雲南十九年定遠平寇大將軍
固山貝子章泰統征南將軍穆占綏遠將軍蔡毓榮建
義將軍杜興珠江南總督董衛國貴州提督趙賴雲南
提督桑格等由湖廣克辰龍關駐衛屯營皂英坪自二
月至八月凡歷七月攻破鎮遠進取貴州

舊志
略

康熙二十二年九月巡撫楊雍建題割平溪清浪二衛劃
歸湖廣次年因以二衛學校歸楚

通志

康熙二十八年巡撫田雯疏題設貴筑縣學並以平溪清

浪二衛歸黔

通志

康熙四十二年三月十八日恭遇

萬壽恩賜老人八十以上絹一疋綿一斤米一石肉十斤九

十以上倍之

康熙四十八年三月十一日欽奉

恩詔賜老人絹綿米肉如四十二年

恩詔之數

康熙五十二年三月十八日恭遇

萬壽賜老人絹綿米肉如四十八年

恩詔之數

康熙五十四年九月

欽差畫輿圖大人雙費至衛畫圖

康熙五十八年滿兵由滇進藏奉 文平溪協濟晃州波

州柴薪等項

康熙六十一年十一月二十日欽奉

恩詔賜老人絹綿米肉如五十二年

恩詔之數

雍正三年奉

上諭設立社倉每倉設社長以司出納

雍正四年奉

文建 先農壇買置田畝牛隻農器等項計置田畝貳畝玖

分

雍正元年設立約正值月宣講

上諭以司訓化

雍正元年奉

上諭設立普濟堂育嬰堂養老慈幼

雍正元年欽奉

上諭設立老農本縣舉報一名高國珉續報一名茆仙根十

三年奉 文停止

雍正五年奉

旨將平溪改衛設縣

賜名玉屏永隸貴州

雍正五年雲貴總督鄂爾泰

題請將分防思州遊擊移駐玉屏

45
雍正六年奉

旨劃清地界將玉屏附近沅州麻陽之沅屯麻屯撥歸沅州
麻陽縣管轄

雍正七年設立苗學考取苗生一名
雍正七年因清理苗疆奉

旨將鎮遠協改營遊擊移駐清江留把總一員駐防玉屏

雍正八年奉

旨蠲免本年正賦

雍正八年楚省沅州將附近玉屏平三里之四八兩甲田
糧撥歸玉屏管轄

雍正十三年台拱苗叛鎮遠邛水等處難民逃奔至縣官

於較場搭蓋篷廠散給口糧住至次年平定甫歸就業

乾隆元年八月欽奉

恩詔賞給老民老婦絹布米肉如康熙六十一年八兩甲田

恩詔之數年五類

乾隆二年鎮遠鎮撥中營守備一員把總一員外委一員

言縣縣專汛營守備一員把總一員外委一員

乾隆六年欽奉恩詔

恩詔賜九十以上老民八品頂帶榮身本縣舉報一名生員

洪爾昌

言乾隆十二年蠲免本年正賦

乾隆十五年十一月欽奉

恩詔賞給八十以上老婦二十三名絹一疋綿一觔米一石
肉十觔九十以上四名倍之
乾隆十七年六月賞給八十以上軍民五十三名每名絹
一疋米一石肉十觔綿一觔九十以上四名倍之

冊
（雜紀）

事有不經見聞載入經史者又有廣人見聞見於稗官小

說者學士家博文考古皆所不廢焉玉邑舊屬要荒遠無
可稽而由有明至今前人畸言瑣事以及靈奇怪誕之傳
聞亦數數有之雖難區別門類採入各志然其中頗有一
二足備參考示勸戒者未可概以其雜而憚遺之也因附

錄焉

童謠 景泰時童謠云蒙陰陰侵我城誰其擊者伯和兵

一倡百和衆皆稱異未幾苗賊蒙倫糾三萬餘人來攻

平溪指揮使鄭泰以計殲之其言乃驗伯和泰字也

馬王 明初邑西北有馬王遺跡如營砦等類舊相傳為

馬援援在漢未有王稱按五代史楚馬殷梁太祖時拜

侍中兼中書令封楚王朗州雷彥恭召吳人攻平江許

德勳擊敗之殷遣秦彥暉攻朗州彥恭奔於吳執其弟

彥雄等七人送於梁於是澧州向環辰州宋鄴淑州昌

師益等率谿洞諸蠻皆附於殷殷請升朗州為永順軍

依唐太宗故事開天冊府置官屬太祖拜殷天冊上將

軍末帝時加殷武安武昌靜江寧遠等軍節度使洪鄂

47
四面行營都統唐明宗時封殷楚國王遣尚書右丞李
序持節以竹冊封之殷以潭州為長沙府建國承制自
置官屬殷卒子希範立襲殷官爵封楚王天福四年加
希範天冊上將軍開府承制如殷故事溪州刺史彭士

然率錦

仁今銅

獎

遠今鎮

諸蠻攻澧州希範遣劉勅劉全明等以

步卒五千擊之士然大敗勅等攻溪州士然走獎州遣
其子師高率諸蠻酋降於勅溪州西接牂牁兩林南通
桂林象郡希範乃立銅柱為表命學士李臯銘之於是
南寧長酋長莫彥殊率其本部十八州都雲酋長永懷
昌率其昆明等十二部牂牁張萬濬率其夷今石播今道等
七州皆附於希範又希範率同母弟希廣立其兄希萼

為朗州節度使送款於李景舉兵攻長沙希廣遣劉彥
瑫許可瓊等禦之彥瑫敗希萼於僕射洲希萼去誘溪
洞諸蠻寇益陽希廣遣崔洪璉以步卒七千屯湘鄉王
潭以遏諸蠻劉彥瑫以舟兵趨武陵攻希萼彥瑫敗於
湄州希廣大懼遣使請兵於京師云云邑在五代時為
谿洞諸蠻盤踞必楚國所置官屬或馬氏子弟奉王命
令號召糾聚於此安營立砦則所謂馬王乃馬殷希範
希廣父子兄弟非伏波也

龍標 邑前輩凡有題跋多自署龍標今龍標之說不一

或謂即今沅州或謂在黎平按梁於漢巫縣置龍標縣
唐貞觀八年以龍標置巫州析龍標置夜郎朗溪思微

48
三縣天授二年改巫州曰沅州析夜郎置渭溪縣長安
四年以沅州之夜郎渭溪置舞州舞州即今鎮遠是沅
州即巫州巫州即龍標縣在沅州之上鎮遠之下境壤
相錯即龍標縣地也又按開元十三年復改沅州為巫
州大曆五年改巫州為敘州敘州即今黎平是黎平亦
即龍標縣地也總之梁唐時所置龍標縣治所在雖無
確據而其地為沅州為巫州即皆為龍標則灼然無可
疑者玉邑舊屬沅州稱為龍標亦溯其始言之無不可
也又唐析龍標置夜郎又以夜郎置舞州玉介沅鎮兩
郡之中咏玉邑事者用夜郎二字亦不為無涉但沅州
之夜郎特其所屬境內之名非即古來所稱夜郎自大

之夜郎耳

北陰神 永樂十二年五溪蠻勾合黑苗復畔阻塞黔楚
要路蘇州衛指揮洪壽隨軍門王領大軍五萬分途征
勦壽領兵二千五百名為先鋒由小洪江進至苗羅苗
忽蜂擁大至時大軍未集壽與苗戰軍少苗多自旦達
午不能取勝壽陷重圍身被七傷連衝五次不能得出
日將晡官軍忽大呼苗衆驚駭自相奔潰踐踏死者甚
衆壽謂有援兵至及舉首忽見空中人馬迷漫現五色
旗上有北陰二字似有人追逐之聲圍遂解後大軍會
於沅江夾擊壽由五開天柱追至清水河生擒蠻長姚
老虎阿秦等百餘人軍門上其功壽奉召陞見奏聞神

膺封爵而壽授平溪衛指揮及歸感神獲庇設祭於家
忽有巫者踵門告云奉北陰神命致語汝家吾本近燉
煌一國為金人所滅上帝憫念無辜封為北陰神護國
佑民前念汝忠勇危難之中故爾相救云云巫者且傳
其祭享儀制科文陳設及牲牢俱用燔炙大類古時塞
外諸國同時在國中者平衛指揮許昇圍解後其立功
今雖失考其荷神庇佑則一故至今二家祀神為福神
焉

胡塚仙 弘治時衛人侯位讀書城西得勝樓上一夜月
明如晝忽一女子姿色甚麗來相戲位意妖也叱之去
次夜復來叱之不去位心終不動乃曰吐出珠手插

戲曰君不欲此耶位急取吞之乃泣曰吾修煉此已三百年今為君奪取吾其死矣然數也明日城西外有死者吾是也幸痊我一抔土君某年月日有大難既嚙此珠不畏刑亦不至死幸自保愛毋忘我言畢遂去次早位於城西壕畔見死一大狐狸因土覆之後位官兵部武庫司郎中諫武宗遊幸受廷杖不死年月日果如其言其墳日漸隆起人因目為胡仙塚云

石棺在城西北關初墓係木棺明隆萬間欽天監奏其地當產草寇遣使七晝夜猝至掘地視之棺已變石上蓋半啓其人一手挽髮一脚踏棺勢將躍出急以銅釘釘之乃斃明末寇亂多由祖塋作崇如汪喬年發閩賊

50
祖墓內有金蛇鐵燈之類幸此地生靈數不應遭屠戮
故得及其未成殲滅之耳

北門新衛舊止四門正德時許時官江西都指揮使獲
罪宸濠遇害濠敗追錄其忠御賜祭墓時禁喪不入皇
城因開便門以入相沿至今因有五門

響卜天啓丁卯鄉試劉芳久同衆友祀龜祈響卜以決
得失各懷鏡同行至關廟前芳久忽以物絆仆地跛不
能行遂坐地以待深夜黑暗以手摸地得羊角一隻其
衆行至一宅適值一婦炒豆子女環相爭索婦云汝們
來的沒有坐着的纔有別無他語返至廟前芳久尚坐
在地話及各一笑而已初不以為意及闌後榜發芳久

掄元始悟坐着的纔有一語神者告之也拾得羊角者
當中解元也

虎聽驅逐一樞部萬年策晚居碧土寨足跡罕履城市一

日野服立門外突有虎從門過公執芭蕉扇揮之曰畜
生速遠徙勿為此方害虎睨視公若俛首狀遂搖尾而
去越數日公復倚門立適有郡胥經過公諭以天晚有
虎患留其止宿胥以催糧限促堅辭去翌日訪之胥去
不半舍果被害雖胥之死有定數而公之止宿則亦仁
心隨時流露之一端也又總制鄭逢元居茂龍塘時虎
大出為患公家牛豕已被攫食一日有一黑羊乃畜以
俟小祥祭母夫人供少年之選者虎亦攫去公自為文

57
詰責土神言甚痛切夜忽夢一老人逡巡言曰理數有定仁愛無窮謹如所言遣之矣但此孽畜時亦宜出止以鄰國為壑耳自是茂龍塘一村無虎患蓋一感於萬之盛德一感於鄭一念之孝也

關帝降筆 袁良佐授徒關帝廟門首有土地祠蒙童不時污穢其下一日有人初不識字在廟忽大書云袁良佐土地告汝汝臨財無苟得之心見色有不迷之美陰隲一十八種陽壽二十三年陽世之功名有限陰司之享用無窮云云且云土地誣告已受譴矣蓋帝君神憑之也時蒙童微聞殿上有鐺鐺曳地之聲良佐正人叨獲神庇理或然也

印義士 印祿啓正時人素任俠時有某四者性狡悍作
橫鄉里人莫可誰何官法亦不能治祿一日淬厲其刀
四適過之問曰磨刀何為祿曰將殺汝四大叱曰汝何
人敢作此言祿曰我殺汝汝死我抵償我死死兩人耳
一衛之害除矣立捽殺之自詣投監時一衛人士環公
庭籲救者數百人後竟上聞得不死 國朝衛守備吳
丕烈匾其廬曰義士之門

形家謬言

張佐宸祖塋在城西五里江北岸山形呼為

石龍渡江一日有陰陽至其家不見禮遂給之云石龍
渡江不能悠久乃命往川市井油回灌之鑿斷其項時
佐宸已官閣老未幾旋廢後竟乏嗣又指揮許姓祖塋

地形象鼻嘴鑿壞其鼻鐵始祖塋龜形鑿傷其項皆信
形家之言意在益求富貴不惜將數百年祖塋掘壞反
致衰敗此類甚多皆惑之甚者也

玉蘭南門內萬家衙前玉蘭一株明時自中州移植高
二丈餘花時瑩潔豔麗儼若玉樹臨風清輝射人足稱
奇觀近因年久為崇屢示怪異人以銅釘釘之漬有血
痕雖妖孽不作而藐姑射仙姿不復再覩矣

乩驗 崇禎壬午冬舉人張佐宸將上公車隨眾請乩仙
內一人祝云明年張某得傳臚否即題云張郎志氣冲
霄漢笑殺英雄八月時眾以八月乃鄉試期非會試期
謂張不過以舉人終也越明年禮闈突以火燬改期八

月會試佐宸成進士衆乃知其言之驗云

妖僧順治丙戌妖僧有查姓者自辰沅間冒稱弘光至平溪以南寺為行殿設黼座置官吏出入警蹕一時被其煽惑者甚衆後誅於沅州黨羽乃散而躁進之士多罹其禍云

黃紙符 僧醒念蜀人聞曾為遊擊鼎革後披剃為僧住紫氣山戒行清苦後乃通慧有二子自蜀來省和尚曰吾非爾父也遣之歸大窘其徒雲石私贈二金和尚覺之曰非分之財不可苟取隨手裂黃紙百數十條畫符其上給之曰飲此可愈疾路費足矣二子領歸行之途中果多瘟疫飲者輒愈乃少獲資斧及抵家符適盡無

一剩者將化前一日文學田種穎同一蔡姓把總往問
疾和尚熟視田曰好好君有後福徐視蔡以手撫其頸
曰可惜可惜然數也莫可逃蔡愕然後兩月蔡果遇害
其先知多類此今叢林中於戒定慧三字無愧者和尚
一人而已

曝神禱雨 康熙五年丙午夏大旱衛侯王公伯元設壇
城隍祠祈禱不應爰於城東較場立一臺與神約曰神
司陰某治陽一衛生靈實共保之今不雨苗將稿矣民
何以堪謹與神約以三日為期如再不雨願與神同暴
於東城外待命於上帝矣越三日乃昇神於較場高臺
上侯亦科頭同曝於烈日中不移時黑雲滿空大雨彌

日鄉城盡獲沾足歲竟有秋此固侯一念之誠足以上格穹蒼而神之威靈亦顯赫矣

城隍靈異 邑城隍祠建於明初最為靈顯雍正年間有士人設館於中其徒某失去一硯訴於神翌早有某者於家狂叫饒命如受刑狀昏暈移時乃甦復大呼曰昨竊某硯今已蒙神譴責硯現匿某處當送還祈神超恕願改過自新其家人果如其處得之遂送還而某亦從此改過後以壽終神之靈異傳聞甚多即此一細事而味心害人怙惡不悛者亦足以戒矣

葛粉 葛藤之根擣爛浸巨桶中澄粉作餐可以療饑每

遇兇年愈採愈有豐年則少採亦無粉似天特產此為

救荒之糧者雍正乙卯苗變邛水各處難民遍為採掘山為之空有採及人墳山者官為示禁始少止其實所領口糧自足以活止欲載回耳玉邑所產多在大江以南江北則少又地氣使然也

病人異事 邑人田松臥病在床一日忽有數人遇之於途相與立而共話內有習與弈者且言及弈事只如常時也又至紫氣山後摘野蔬僧人接之亦只如常時也閱二日卒眾詢之乃知其臥病已有多日足未嘗出戶始大詫異不惟有形而且有聲似能分身者然人耶鬼耶卒不能定乾隆乙亥二月初旬事也

楊雀 即子規鳥相傳為蜀望帝所化又名杜鵑杜宇雋

周其名不一此間呼為楊雀每清明前後至夜鳴徹旦聲愈急愈哀吻常有血諦聽其聲為蜀國王三字唐人詩杜宇呼名語當謂是也自唐以後咏子規者多謂催歸之鳥明無名子投李東陽詩鷓鴣啼罷子規啼謂鷓鴣啼行不得也哥哥子規啼不如歸去也今聽其聲與不如歸去絕不相類豈各方地氣不齊鳥音有異耶抑所謂子規別一種耶殊不可曉即鷓鴣啼此間聲與哥哥二字相近亦不聞有行不得也四字之聲宋至入黔詩云鳴禽也解喚哥哥諺語何曾一字訛行到馬鞍高處望前頭果有大山坡只用哥哥二字殆身親歷其地者故詩云然大抵詩人咏物用事語多附會不必盡實

此詩 紫氣山前山後江清溪一曲遶流其下一邑勝概也一日有人請此題云山勢似斷未斷水聲欲停不停行過小橋回首天然一幅丹青此詩見永昌郡志所載張南園漫錄中止墮字易作斷字大抵今人所請此仙作詩多係才鬼遊戲所為此特其記誦之作耳却於茲山寫景宛然

論曰玉屏古為五溪蠻故地叛服不一代有征伐自楚莊躋從沅水滅夜郎後驛路以通凡西南用兵之事必取道焉時常有警有明雖建軍衛設有屯守紅黑二苗仍不時出沒為患我

朝文德覃敷武功遠播苗疆底定已列版圖然而千百餘年

陳文治亂安危事故亦考古者所當知也况自有明一切儀
文制度至我

國家損益因革愈為盡善且
詔典頻頒
特恩屢沛尤曠古所未有者統書而彙觀之始知前此之困
於兵革苦於剽掠者今乃得遊浩蕩之天耳

於兵革苦於剽掠者今乃得遊浩蕩之天耳

品籍

玉屏縣志卷中之上

藝文志

臥碑
前祭文

論告

奏疏

教書

疏引

記

文章華國自古聞之然非僅絺風繪月媿青配白之謂也
其大者以闡聖賢之道義以紀國家之政治其次或序功
述事或闡微顯幽激揚風厲膏於是乎在焉玉雖最爾一
隅而諸所表彰多有遶鍾公之筆出名人之手者即流連
風景感懷人物亦多鴻裁雅製足資學識今博綜而並錄
之亦足徵聲教暨訖而彰

國家文治之隆矣作藝文志因思下立人品伯官誌新開民

(國朝)

陳其臥碑

順治九年

朝廷建立學校選取生員免其丁糧厚其廩膳設學院學道
學官以教之各衙門官以禮相待全要養成賢才以供

朝廷之用諸生皆當上報志國恩下立人品所有教條開列
於後

一生員之家父母賢智者子當受教父母愚魯或非為者

子既讀書明理再三懇告使父母不陷於危亡

一生員立志當學為忠臣清官書史所載忠清事蹟務須

其互相講究凡利國愛民之事更宜留心

一生員居心忠厚正直讀書方有實用出仕必作良吏若

藝文心術邪刻讀書必無成就為官必取禍患行害人之事

王往往自殺其身常宜思省

57
一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入即有切己之事止許家人代告不許干與他人詞訟他人亦不許牽連生員作證

一為學當尊敬先生若講說皆須誠心聽受如有未明從容再問無妄行辯難為師者亦當盡心教訓勿致怠惰
一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許糾黨多人立盟結社把持官府武斷鄉曲所作文字不許妄行刊刻違者聽提調官治罪

上諭廣訓十六條

康熙十九年頒

第一條敦孝弟以重人倫

第二條篤宗族以昭雍睦

第三條和鄉黨以息爭訟

第四條重農桑以足衣食

第五條尚節儉以惜財用

第六條隆學校以端士習

第七條黜異端以崇正學

第八條講法律以儆愚頑

第九條明禮讓以厚風俗

第十條務本業以定民志

第十一條訓子弟以禁非為

第十二條息誣告以全良善

第十三條誠窩逃以免株連

第十四條完錢糧以免催科

第十五條聯保甲以弭盜賊

第十六條解仇忿以重身命

查則例載康熙二十五年五月禮部覆浙提陳題查
康熙十九年十月內禮部已將

上諭十六條通行八旗及直省奉行講解今請

勅下各直省督撫將

上諭十六條抄錄轉行該省提鎮等照通行文職庶民講讀

例曉諭各該營伍將弁兵丁俾令實心講解俱知忠孝禮義之大節以仰副

呈上振興教化至意土司一體令其講讀

上諭俾知忠孝綱常等語相應

勅下該督撫提鎮並將

上諭十六條頒發土司官員講解可也奉

旨依議

御製訓飭士子文

康熙四十一年正月朔

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習

未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敍爾諸生幼聞庭訓長列宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行己多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨勿齒縱幸脫

褻朴濫竊章縫反之於衷寧無愧乎况乎鄉會科名乃
掄才大典關係尤鉅士子果有真才實學何患困不逢
年顧乃標榜虛名暗通聲氣夤緣詭遇罔顧身家又或
改竄鄉貫希圖進取囂凌騰沸網利營私種種弊端深
可痛恨且夫士子出身之始尤貴以正若茲厥初拜獻
便已作姦犯科則異時敗檢踰閑何所不至又安望其
秉公持正為國家宣猷樹績膺後先疏附之選哉朕用
嘉惠爾等故不禁反覆惓惓茲訓言頒到爾等務共體
朕心恪遵明訓一切痛加改省爭自濯磨積行勤學以
圖上進國家三年登造束帛弓旌不特爾身有榮即爾
祖父亦增光寵矣逢時得志寧俟他求哉若仍視為具

文玩愒勿傲毀方躍冶暴棄自甘則是爾等冥頑無知
終不能率教也既負栽培復干咎戾王章具在朕亦不
能為爾等寬矣自茲以往內而國學外而直省鄉校凡
學臣師長皆有司鐸之責者並宜傳集諸生多方董勸
以副朕懷否則職業勿修咎亦難逭勿謂朕言之不預
也爾多士其敬聽之哉

諭旌獎務期核實

雍正元年

上諭禮部致治之要首在風化移風易俗莫先於鼓勵良善
使人人知彝倫天則之為重忠孝廉節之宜敦古帝王
勞來匡直所以納民於軌物者舍是無由也朝廷每遇
覃恩詔款內必有旌表孝義貞節之條實係巨典邇來

直省大吏往往視為具文並未廣諮遠訪祇將有力之家囑託賂遺者漫憑郡縣監司之申詳即為題請建坊而山林僻壤窮民耕織之人或菽水養親天性篤孝或柏舟矢志之死靡他鄉鄰嗟嘆為可欽而姓氏不傳於城邑幽光湮鬱潛德消沉者何可勝數爾部即着傳諭督撫學政諸臣嗣後務期各屬搜羅虛公核詢確據本人鄉評實蹟題奏旌獎勿以匹夫匹婦而輕為沮抑勿以富家巨族而濫為表揚以負朕成俗化民實心彰善至意特諭

乾隆元年

上諭

總理事務主大臣等奉

上諭任土作貢國有常經無論士民均應輸納至於一切雜色差徭則紳衿例應優免乃各省大臣奉行不善竟有令生員充當總甲圖差之數者殊非國家優恤士子之意嗣後舉貢生等概行免派雜差俾得專心肄業倘於本戶之外另將族人借名濫充仍將本生按律治罪欽此

〔奏疏〕

為平溪副都御史侯位母夏氏百歲請敬典疏

霍韞

古者聖帝明王之御天下也巡狩至於方岳詢百年者就見之敬老也天下有百年之老天下和年之氣所徵也帝

王所以申敬也漢文盛德之主其在位之日不時使人存問長老八十以上賜米肉九十以上賜絮帛文帝敬老教孝之實心呈上登極屢頒恩詔凡民年高八十以上俱令縣郡有司給賜米肉布帛有差凡以風天下而敦化基也今都御史侯位母夏氏壽躋百齡是皆我國家敦大博厚之氣薰蒸洋溢鍾為上壽况夏氏孕和協瑞產自全楚實我皇上龍飛之地又聖德造命無疆之福今按都御史侯位自任巡撫凡係財賦之稽查百姓之存恤利弊之興革竭力効忠地方甚有賴焉今拘於例難准侍養仍望勅賜本官照舊供職仍行湖廣撫按申敬老之制於夏氏加酒肉粟帛之惠則厚其親其子益以勸移孝為忠侯位將感

激圖報無窮厚一人民德因以歸厚風化愈淳政治益有裨矣

議以楚衛屬貴州疏

杜拯

沅靖二州與平清偏鎮銅鼓五開六衛之去湖廣酉陽播州永寧三土司之去四川俱二千餘里遙屬於二省而兼制於貴州服役興遠道之嗟蒞事者無畫一之軌民情政體甚不便也革數州縣土司專畀之貴州其便有十齊民賦役自遠而移之近勞費損於舊者數倍一便郡縣專心志以聽一省之政令無顧此失彼之慮二便軍民力役彼此相濟無偏重之累三便科貢悉隸本省禮遇資遣有均平之規四便司道政令有所責成郡縣不敢以他屬為辭

五便府衛互制悍卒豪民禁不敢逞六便歲徵緩急可無
失程盜賊出沒易於詰捕七便土酋之桀各相牽制不得
肆其毒螫八便僻遠之區監司歲至吏弊民瘼可以諮詢
而更置之九便釋兼督之虛名修專屬之實政體統相安
事無阻廢十便臣愚以為三司所呈聯近屬以金經制其
說可行也臣等又看得各省會城府縣並置豈徒備官要
以親民事悉下情爾乃貴州獨闕焉軍民之訟牒徭役之
審編夫馬之派撥盜賊之追捕藩臬不能悉理往皆委之
三司首領兩衛指揮及宣慰司夫三司首領類皆異途操
持靡定政體未諳指揮則尤甚矣委牒方承即懷私計防
緝未効反貽厲階宣慰則尤甚矣逞其恣睢日事贖罰破

人之家成人之命往往如是故士民爭欲增建府治而該
司議程番府附省會其說可行也

請建平溪清浪兩學疏

田雯

題為

聖治普洽寰區敬請修舉學制以隆文教事竊照平溪清浪
二衛學歷係黔屬思州府提調應試貴陽不過五百餘里
前因用兵之際將驛站改隸楚南而學校隨之諸生應試
東下武昌迢遙川途不下二千五六百里資斧既難而鼓
柁洞庭駭浪驚濤士心恆多畏阻臣赴任時身過其地同
聲呼籲云兩科以來從無一士能赴武昌應試者情實可
憫應請復還黔屬就近提調之制以示作養臣謹具題伏

乞

勅下部議施行

〔教〕

丁祭教

鄂爾泰

為恭逢丁祭大典嚴飭各屬官司宜備物以告虔須先期而齋宿事竊惟

至聖先師萬世之師表也冠帶集口口

天子有臨雍之典春秋屆仲月上丁修釋菜之儀內則命夫

胄子三公升外寄於有司羣牧典綦嚴也誰敢懈焉本部

院前者蒞任南藩職司秉鬯恭逢丁祭親齋泆而宿饗宮

先儒命官較簿書而止祭器乃知牲或已經宰殺既失告
全致潔之心物豈盡屬肥鮮更乖博碩蕃滋之義且或常
供不充夫額數任先後以那移珍品不給於籩豆致洎鹽
之雙至兼聞各學亦有同風罔知共竭精誠但解奉行故
事甚或尊罍未備疇詳犧象之形琴瑟雖陳莫辯敵篋之
狀觀者如牆如堵任彼咆哮祭者似醉似癡頽如聾瞽一
尊纔薦滿庭之燎火無光三獻未終兩廡之燈輝已滅如
是甑餹與簋簋悉憑顛倒几筵鹿兔共榛菱似遇摩空鷲
雀分甘奪臙半由承祭之家人拍地喧天遑問糾儀之齋
長駿奔髦士霎時怒髮衝冠與隸膳夫一片雄心染指凡
此之類罪豈勝誅皆由約束之不嚴亦以躬行之未善不

思主爵則身膺一命幸得窺聖人門牆分獻則職任半甌
原以司泮宮俎豆平時未知化導已蒙尸位之譏臨事不
克恪恭難免曠官之咎於是飭郡守州牧縣令等兼以誠
教授學正諭導諸員各矢乃心以襄大典預期三日牲牲
皆供乎籩牽先事一朝品物盡陳於頤璧齋戒沐浴來觀
習樂試歌舞於明倫堂前料量潔清退服寢衣斂精神於
尊經閣畔庶幾必誠必信斯夙夜之惟寅無怠無愆知神
靈之感格是並申之條約用以頒諸學官業經江南各學
遵照奉行在案今本部院蒞任滇黔合行通飭為此仰各
府州縣等官並教授學正諭導諸員務須恪遵奉行今將
條約開列於左

一既奉夫一之只與祭官齊其學宮齋宿不許亦一員味
肇聖五王不惟簋簠豆照數增設即牲牲亦應各增其四
有議共牲者其說不可從考之典禮惟配享有可以共牲
者專主無共牲之禮書云文王騂牛一武王騂牛一其明
徵也自三代以至漢唐皆不聞有共牲之說惟後漢有青
帝赤帝共一犢白帝黑帝共一犢者議者非之開元時五
品以上異牲至六品以下共牲豈有王爵而可共牲者乎
其各照數增一為五可也

一祭牲奈品皆有定額一豆一籩罔可缺遺况牲取親割
以告虔也取其毛血以告全也可既宰而入學門乎豕曰
剛鬣註謂其豕肥則鬣剛羊曰柔毛註謂其羊肥則毛細

而柔弱此博碩肥腯之所由禰也可以瘦瘠不堪之羊豕而飲之灌之以充牲牲乎既宰且不可瘦瘠且不可况可缺其額數而肥吏胥之囊橐乎月令曰犧牲毋用牝又曰命宰祝循行犧牲視全具按芻豢瞻肥瘠察物色必比類量大小視長短皆中度五者備當上帝其饗註曰上帝且歆享之况羣神乎嗣後各官俱須先三日親至學視牲牲如法然後稽其數使人牧之以待先一夕親割吏雖奸其何所施乎

一丁祭先數日集樂舞生演習精熟先一日與祭官親同往觀不得草率從事

一丁祭先一夕凡與祭官齊集學宮齋宿不得有一員私

宿本署

一丁祭之日庭燎燈燭務須光明如晝以俟祭畢後已除神前燈燭外即官員不得各自張燈

一丁祭之日樞星門內不得容一閒雜人所有事宜止許學書幹辦及小心謹慎門斗二人或四人照管燈燭其官員僕從人等一概於門外伺候萬無使僕從人持燈夾墊相隨上殿及上兩廡之禮君師一體幸勿自取罪戾以貽失禮之愆

一丁祭之日既不許容一閒雜人自無有搶奪祭燭及祭品之事倘或仍有潛匿門內乘空搶奪者以盜賊論即時擒獲解報以憑盡法重究

一學宮之地聖賢靈爽所依不唯丁祭宜修治肅清即平時尤宜洒掃潔淨近每見黌宮以內栽瓜種菜學圃成澆灌之場曝被曬衣諸生絕往來之路甚至丹楹刻桷徒供蝙蝠棲遲烏革翬飛盡是鼯鼯巢穴蛛塵百斛廟貌埋埃垢之中覬糞千箕腥穢聞宮墻之外皆已安之若素久且習為固然甚至先賢先儒兩廡之神牌倒置鄉賢名宦兩祠之神位傾頽非其子孫有誰咨問加之朽蠹若罔聞知凡爾學官所司何職即諸門斗多亦奚為嗣後教官不時巡察務令門斗分班輪值逐日除學宮之內不得容一毫塵垢庶亦無忝厥司也慎哉毋忽

〔明〕

〔諭祭文〕

嘉靖十五年歲次丙申十二月壬午朔越二十一日壬寅
皇帝遣湖廣等處承宣布政使司右參議康世隆

諭祭都察院右副都御史侯位母封太夫人夏氏之靈曰惟
爾性資柔淑儀度端莊毓秀名門歸於世胄篤生令子發
跡巍科憲府馳聲撫巡著績爰推慈訓榮荷封章祿養久
沾壽踰百歲顧惟全福茲以令終庸示卹恩特賜
諭祭爾靈不昧尚克歆承尚饗

重修文廟報銷文

陳齊襄

查得玉邑文廟歷年久遠棟宇就傾階陛不飭難妥聖靈

而肅觀瞻是以前陞任張令署任顧令捐俸倡首詳請重修然工鉅費繁捐助之資罔克有濟因清出縣屬宋寨口七鰲寨及鮎魚堡等處公業變價充用卑職抵任復親詣逐

一相度正殿兩廡崇聖祠大成櫺星門並階陞基址牆垣等項盡皆頽壞必須通行大修方可垂諸永久爰集公議

衆謀僉同

卑職

隨敬捐薄俸加謹督辦自原任教諭熊元麟

現任訓導宋應序典史陳繼藩以及紳士人民莫不踴躍捐輸樂勩厥事其董事諸生田熙夏家昇田秩劉註洪澤等鳩工庀材經費出納日夜維勤不辭勞瘁於乾隆九年三月內興工起至乾隆十一年十二月底一切修理完竣

規模整肅締構堅固並無藉名派擾洵可永垂奕禩所需

工料共計用過銀柒百伍拾肆兩伍錢壹分玖釐叁毫查
變賣折下朽壞柱木板片暨官員紳士民人捐助樂輸共
銀柒百貳拾貳兩伍錢捌分伍釐除儘數支用外尚不敷
銀叁拾壹兩玖錢叁分肆釐叁毫卑職現在設法捐給以暨
厥工伏惟造士首重學校我

朝重熙累洽作人之典靡不備至各大憲祇承德意振興鼓
舞厚待儒林尤極優渥今茲玉學鼎新宮牆巍煥固始於
紳士之落成實由我各大憲仰體

皇仁主持嘉惠之所致合將變價捐輸姓名並用過工料銀
兩逐一明晰造具清冊具文詳送憲臺俯賜查核

序

雁門田氏芝草堂族譜序

胡士芳

田君角靈卜居衛城北文水裏之高阜其地在盛明時曾
產九芝豫章壇石熊公時寓平賦詩紀異地靈人傑洵瑞
徵也田君今家於此文昌杓指南山畫就鬱葱佳氣俾人
心儀者久之余因取芝草以名其堂因堂以名其譜故曰
芝草堂族譜云考君家世江南如臯人也始祖諱駢為有
元世勳明太祖興投誠黔寧王洮國公麾下隨師南征黔
寧目擊楚黔邊地苗蠻雜踞於羅舊驛起至楊林驛設七
十二堡分防以通往來以駢賢而能有征伐功留守於平
由明迄今三百年於此矣由駢祖至今十世於此矣田君
懼子姓蕃衍宗派紊失爰作斯譜思深哉其眉山氏之遺

意乎余嘗讀太史公世家諸列傳贊於敬仲田完及常以
及田單田叔田仁諸輩歷論列之極詳獨其中引懿氏之
卜妻敬仲也曰五世其昌八世之後莫之與京周太史之
筮曰光遠有耀陳衰其昌嗚乎田氏之後如子方如千秋
如何如豐如游巖如錫如畫如真諸君子之彪炳於漢唐
宋者曷可勝紀循覽斯譜其先世人文之美冠裳之盛隱
德節義之衆甲於三湘二酉間又其子姓皆聰明醇謹循
循以讀書為事敦孝友崇禮讓無僂巧輕佻之習然則田
氏之昌殆未有艾也又其作譜之意不援華胄不棄寒微
貧富不岐視賢愚有並列然則田氏之有斯譜也明倫收
族所以保世而滋大者在乎此矣如臯以前譜牒散佚今

君作譜始於駢祖其先世先登甲第膺顯仕者甚衆概不遠引闕疑傳信其慎如此抑亦今人之所難也余故因芝草以名其堂因堂以名其譜而復為之序如此云

新建瑞雪禪林序

大略元亮不求田起虬

大凡理有可解有不可解雖曰孔明觀其大略元亮不求甚解然亦有可解而不解者達者信之庸人疑焉斯亦不可不解也平城之西有紫氣山雄溪一勝刹也匾其額曰湫瑞雪禪林其義何居山原有古刹名曰祖師殿遭明末戊子己丑頻年兵燹荒落不堪僅存前殿後殿卑陋一椽隘佛不可以頂禮僧不可以說法有心者屢欲新之而力莫之逮也康熙癸卯惺念和尚雲遊來平見此山林木叢

70
茂蕭然人境遂住錫焉掃除荒穢苦志修行於辛未年坐
化弟子雲石上人接受衣鉢殫厥心力創建後殿五間左
右六間不辭勞苦不畏寒暑開闢荒山剷平基址擴地九
丈募化檀越助襄善事於庚辰九月起工辛巳年落成十
月十一日豎柱上樑上人登座說法是日也天色霽朗忽
而凝凍六花繽紛雪深一尺比丘弟子檀越紳士交口稱
慶以為瑞雪應在斯山上人欣然爰表之曰瑞雪禪林是
雪也豈西王母進嶸山紅雪者乎亦豈仙家上藥玄霜者
乎亦豈羣比丘如慧可事達摩和尚開甘露門廣濟羣品
以立雪者乎何其應候而呈隨機而現也瑞耶否耶然其
義驟不可解雲石上人恐後人疑其妄也丐余一言為解

余不能文聊為叙其本末如此俾後之百爾君子造斯山也則見夫山勢嶄邃春盎益濃氣之既隆數亦隨盛亦登斯堂也見夫樑楹壯麗榱桷翫麟瓦甍砢砢規圓矩方程度曲中尺長寸短廣狹協宜望之峩隆其謀也若家其就也若神知雲石大師殫厥心力而瑞雪應之也且俾後之比丘繼斯山者加意修培樹以松竹鬱為叢林宗風丕振此又雲石功德之遠及者也是為序

貞節錄序

邑令 盧

造

鄧縣

人生天地間藐然此身耳而實則甚重此身一失名節頓喪萬事瓦裂故自守者貴焉然身處閨閫多昧大義而欲苦節自守如冰霜之凜冽如金石之永堅是難能也又况

節孝俱全嚴慈並篤上以奉高堂而下以行後嗣者乎以
余今觀玉屏

旌表貞節劉氏生長儒門素知六義結褵未幾遽喪所天氏
瑤池冰雪早琢心肝湘水筠篁盡滋涕淚堅志守節若女
宗之從一德正之束髮氏殆後先比烈者歟且事舅姑甚
孝送往事居盡誠盡禮是節而兼有孝也撫藐諸孤母道
而兼父道篝火午夜機杼之聲與誦讀聲相間以故嗣子
其哲童稚採芹未冠食餼皆氏教養之力是有嚴以成其
慈也夫守節完貞古人所重而養志守孤古人所難今氏
以婺婦而代子職以孀母而兼保傅節操與孝行俱全嚴
訓與慈恩並篤謂非彤管之美談而史冊中所僅見者歟

余自蒞任玉屏訪知慈範既載入邑志中又據公論詳情

請題

旌而更敘其大略如此吁後之覽者其亦有所觀感也乎

趙孺人賢孝錄序

衛守 吳殿芳 東安

粵稽古之名媛其佐夫教子望重當時聲稱後世如鷄鳴
著於風詩熊丸紀於女史典冊所垂班班可考而近日巾
幘曾不數觀豈古今人不盡相及耶抑或有其人有其事
而莫為之闡揚雖美弗傳耶余自康熙丁酉承乏茲衛甫
蒞任即於明經先生二米趙君之為人竊心焉慕之既又
見其兩郎氣宇端凝居然二難風度至其閨壺之中禮所
內言不出雖其懿行無得而知焉乃未幾而闔衛紳士以

其內君賢孝公舉於庭且邀余言達之當道持衡余喟然
興嘆曰猗歟休哉何趙氏之內外皆賢也隨臚列其事上
之學使張公蒙題孝聞閭內四字旌表其閭其冢嗣眉松
志在顯揚不欲沒親之善廣徵詩人詞客相與咏歌其事
哀集成編傳之永久而乞序於余予又少習兵家不事經
生愧無燕許手筆以表彰厥美然竊聞之詩書所禰關雎
釐降易之中饋禮之內則告人獨惓惓於此者誠見夫紀
綱之首王化之原也今觀孺人行實其敬以相夫子則冀
妻之餉饁也孝以奉舅姑則姜妻之營膳也嚴以訓子則
陶母之還鮓也主持家政秩然有條勤儉之風始終如一
則鍾之禮郝之法也種種懿行雖古之名媛何多讓焉若

其苦傷己體每畏人知則又羣叙之所難者夫聞人之善而不為之喜談樂道不惟有戾於聖訓亦且無以勸善矣况顯微闡幽維厲風俗又予所有事乎因不辭固陋遂珥筆而為之序

洪書巖先生紓哀錄序

知縣

余家璜

鎮遠

靜谷同學天才夙擅敏悟性成桂子香飄早騫雲翮桃花浪暖屢蹶霜蹄顧仕輒出於為貧而才終難以抗命効勞炎海績茂齟務之殷繁

特薦彤庭召速玉樓之撰述雖負米已能逮養而舐犢曷克忘情茲讀哭子之詩較西河為更慟爰觸思舊之緒對北浦以愴懷白馬素車願附巨卿之後爰鷄絮酒常企孺子

之高灑淚紛紛共哀良友達觀一切兼慰高年憶逋翁陟
嶺之吟縱沾衿而傷谷鳥會昌黎問天之句應再拜以謝
玄天

贈別錦儒先生序

丙子仲冬舟泊洪市錦儒先生堅留信宿予惟賀氏累世

積善太翁升之公尤有盛德雖寄跡塵市而古心古貌有

古隱君子之風先生事父至孝父性嚴先生始終得其歡

心父沒遵守遺訓其於父之道蓋終身不改特光大之耳

事繼母如親母生事死墓尤以孝聞升之公羸負一子先

生友愛不啻同胞弟早卒撫育孤姪恩禮有加其篤於內
行如此為人束修自好言行之間一無所苟必恭必敬尚

信義慎取與不侵為然諾周危濟急略無德色性好善衣食之推解杉櫛之施與歲常竭力善行不可枚舉然皆準理度義行其心之所安無幾微近名意也教一子廷楠有義方廷楠克成父志才名燥甚先生猶時以慎交遊敦實行提撕警覺廷楠貢人成均荷

特達之知授粵東縣令瀕行之日先生治酒為餞殷殷以忠君敬上潔己愛民毋貪一文毋枉一民毋翫一法上無負國恩下無墜家聲提耳至再至三一時坐客皆為感動今廷楠在粵署四會宰會同賢能茂著體先生之教也先生自少力學占得蠱之上九遂萌高尚之志絕意仕進雖由鄉學著錄國學不一觀光逃名市肆陸沉於時日或掃地焚

香手一編閉門靜坐時復扁舟兩屐往來於山莊野墅間
課晴雨話農桑為樂人徒見先生舉止端莊外貌嚴重未
能窺見胸中瀟灑之趣也偕德配粟孺人鹿車竝挽相敬
如賓有古冀缺漢鮑宣之風家計不至艱窘且止一子鳳
絃一斷不問鸞膠蕭然獨處歷三十年如一日古所禰王
摩詰妻死不再娶以為高潔今於先生復見之矣予與先
生嗣君廷楠交好適捧檄粵東行有同舟之誼先生冀予
兩兩人戚好同寅相與以有成也諄諄相囑予素承先生
教敢不如命因略述先生為人梗概以伸予仰止之意且
以堅後約也爰書為序

(書後)

書洪母劉太君貞節錄後

朱發

戊午之秋余奉

命典黔中試事玉屏洪生其哲出余門下撤棘後循例來謁見其冲和雅飭人與文稱爰叩其所自則生平積學砥行得於劉太君之慈教者深也太君系出名門夙嫻禮訓年十九歸於玉宣公不數載而孀玉宣公無子其哲為嗣方是時太君呼天絕粒誓以身殉瀕死者數矣繼而翻然於孝不可缺宗不可覆卒能以理抑情善成所天之志敬事尊嫜撫藐諸孤戀踰已生紡績佐讀教之成名屈指茹荼齒蘖荻丸熊蓋三十年于茲矣語云慷慨赴死易從容就義難若太君者可不請獨為其難者歟余嘗見乾坤清淑

之氣必有所寄黔中峯巒秀傑湍澗縈迴磅礴鬱積發越
有倍異尋常者以太君之高風勁節濯玉壺而凜冰霜夫
固知其炳靈所孕間氣所鍾蔚為一代之奇他日
國史家乘爭光日月視曩昔列女傳所載諸賢媛古今人豈
不相及哉嗚呼天生之天必有以報之今者
紫誥榮褒名鐫華表

聖朝之所以培風化而旌節義者業已遠敷天末而有子克

家顯揚可喚天地報德正未有艾余用是益為太君禱慶

且以勗其哲云

疏引

(明)

卷十疏引
一八二
五屏縣政府編印

(即) 募建天星橋疏

鄭逢元

燕衛治前大江左腋有野鷄河橫流入江由西南諸山之水
所洩而成也郊喚各堰取給於此上分下合上曲下直分
曲則勢緩合直則勢狂其合處直處恰在大江之邊乃孔
道所必經四時水勢不一有盈有落盈則需舟落則架木
架橋春夏久雨泛漲木橋一推遇差使至守土者責令過江
之舡艤此以渡雨止水退舟不能用濡淖難行又或伐取
竹木棚架矮橋面以砂石使不為行旅憂倏淺倏深倏舟
倏橋架而推推而架不勝煩瘁矣余臥病山麓田義生洪
祚熙偕僧崇拙過商以此僧修寺有成功而能募建石橋
也余曰單襄公東夏令甚悉辰角見而雨畢天根見而水

涇除道成梁乃政之大者必請之衛侯以主其事吾儕小人聽命而已但石橋之舉必堅固廓大方能經久恐所費不貲也前此亦嘗為之錢糧不充匠役苟簡觀其橋墩基淺面狹不砥狂瀾乃與架木者等耳如此非獨木橋不可即石橋之久與否亦所當講橋成必有護之者其護惟何在蓄與洩蓄所以殺水之勢洩所以順水之性非另為陂障不能有陂障而殺之順之則前之合者直者變急瀉而為安流自永無嚙圯之虞矣先時吾里士夫榮顯百姓富庶襄助者衆茲則家無儋石比比皆是然事之重大敢遂已乎惟有效浮屠家具募緣簿叩之諸衆善信或獨發宏願或共成厥美今疏以懇之將何言哉如儲利益福田之

說可以動世俗未可以勸高明如借重義輕財之說可以
契曠達之胸不堪入鄙吝之耳無已則質言之滇黔大道
非山徑比有橋屹然俾絡繹往來不望洋病涉而普濟之
功德固無時不沾暨也劉孝標云富埒陶白貲巨程羅山
擅銅陵家藏金穴據其所述非不極一時之美方之西門
豹十二渠蔡端明萬安橋三百六十丈千古利賴孰得而
孰失孰亡而孰存蓋不必別為舉似而歷劫不朽之道不
外是矣

鮎魚堡募修祖師殿小引

鄭逢元

洪僧住茂龍塘之菴七年矣丙午季夏云鮎魚堡孔道有
佛祖殿舊址居人以素有靈應福庇一方欲捐資重建約

77
洪僧董其事僧欣然赴之或曰舍西寺而修東觀海翁易
慮可乎余曰此僧道念甚篤修造菴觀其本心也夫欲為
住持不為雲遊欲為接衆不為面壁咸執着矣執為障礙
之根功亦圓通之本既已為僧十方皆佛孤雲野鶴何天
不可飛况玉虛師相開氣天氣母妙轉金輪得道丹王功
成鐵杵火符交坎離之象道在中黃水德鎮壬癸之鄉位
尊北極是誠赫赫有靈巍巍無上者矣武當之頂僧道香
火之隆甲於天下此外城邑聚落無境不然若分別佛寺
道則諸天帝釋無一非佛佛在吾心不在境也但欲其
信道之篤不生退轉耳洪僧可喜者道跡羅刹之鄉矢心
毗盧之岸是廣額一流也今之欲遷又孝心所使洪母嫁

於斯死葬於斯懷終身廬墓之念禮足空王稽首丘壠伊
蒲貝葉木懋軍持懺悔超度使比丘尼獲此因緣大事自
在天豈生前奉養之微乎謂出家可忘父母此不知道理
之言吾之重洪僧者誠在於此然亦兩年前之言也茲云
草創略成欲莊嚴而塗髹之必募叩他境安得不另乞言
乎余竊以為今之為緣簿者利益福田滿篇腐套不能動
人第持此以往靡不如願未有見信實之僧誠孝之子而
不發歡喜心者興言及此韋馱尊者亦為首肯又何必余
言之贅哉是為疏

募修水月菴引

鄭逢元

平溪之堡舊有水月菴雖非古剎亦號名藍倚山臨水形

家謂山如舟而水繞之得動靜之體宜俗宜僧當面清泓
可鑑稍下有灘頗聞潺湲建菴者謂清靜身廣長舌兩者
具足而禪心相映故水月名焉門近通衢往來官長停驂
商賈住足拈香上齋瞻禮祈福靡不靈應本地士夫為之
置田以供僧衆及香火伊蒲之費每日博田之氣襲遊人
衣裾間沸星與鬼宿交光可謂盛矣今乃作昆明劫灰見
者傷之常情以為佛道神通不能敵一熒惑所以青史有
臺城之譏昌黎有佛骨之議也不知佛之教人修心也免
輪迴也生人天也脫苦海也登彼岸也不殺不淫不貪不
妄皆所以修身也至命之夭壽物之成敗一定之氣數何
足論焉孔子曰德之不修是吾憂也大學曰壹是皆以修

身為本儒釋參觀可同年而語矣不修而優入聖域是思
鉢者蒸砂求鏡者磨磚昧此一端都無是處余則以修之
一道先破慳吝心慳吝化而人相我相不立便是走靈山
一條大路無罣無碍任爾坦行故施為六度之一而衆善
之門也亦曰修心者不在於施天下修心之人見地超朗
知三千大千所有皆於本來無與故宅可捨而寶可沉無
始劫來帶水拖泥葛藤不斬雖有多端則此根先障萬鐘
何加孟子亦言之矣况舍非棄也如布種地中錢寄外府
雖曰舍之實是取之老子云惟其無私所以成其私此亦
斷斷不爽者然修有不同食報亦異世俗之家有貧有富
子息之衆有賢有愚髡緇之侶有凡有聖宰官之品有大

有小菩薩之位有初地有十地佛至尊矣有最上乘有中
下乘山以仞高水以科盈各有分量不能徼倖於其間也
既不能徼倖則知尋向上去自有踐履工夫譬人起念欲
上須彌山頂如以為易八萬四千由旬窮一生之力不能
達然有精進而無退轉則登岸造極未可期也若以為難
廢然而返則安於卑下屢劫沉淪矣夫人之性之相懸也
豈若跛鼈之與六驥足哉然而跛鼈致之六驥不致是無
他故焉或為之或不為之耳如是知修之不可以已也至
於寺廢而復修隨處結緣無往不修無時不修修不獨在
寺也見寺之廢亦修之矣修寺者即修佛修佛者即修心
心與佛是一是二取與舍是分是合知者可不饒舌矣今

崇拙和尚既修天安寺又欲修水月菴兩處疲於奔走余以古詩笑之曰汝既出家還擾擾何人更得死前休拙和尚曰貪者僧家所忌若功果之事不妨多也倘得如衆施主之願成就金身丈六廟貌莊嚴仍如往昔之盛頂踵且不惜疲苦云乎哉夫立心若此我知浮屠之合尖矣敢不毅然榻管以成厥志

募修鐘鼓樓引

洪運昌

平溪鐘鼓樓者歷傳其神異云係魯班所造初聞之以為怪誕其說無所證驗久之播聞於遠凡所建樵樓者咸來取則焉上下審視有用斧鑿者有不用斧鑿者堅礎以基之叢楹以成之棟桷題櫺以持之其窗櫺內外壘牖以繪

之凡三層莫得其穿鑿之巧視者嘆為神異而去即勉圖
之終弗能肖先是張南寧寓兵衛城搜各廟鐘鎮於河中
抓搭浮梁及萌念斯樓其鐘鏗然而鳴取者懼不敢動豈
非神異也乎數十年來兵燹頻仍毀壞幾盡文則都憲坊
四牌坊武則總兵坊得勝樓皆為烏有斯樓如魯靈光巋
然獨存又豈非神異也乎茲以年歲久遠漸多損壞修之
誠急前此山左王公亦孜孜焉有志未逮今關西正華陳
公來蒞茲土值軍興旁午夫馬繁難設法撐持上益於國
下不病民數月之間事事就緒總之以才勝也目覩斯樓
羨之且惜之恐其將傾去一方之名勝囑具募疏以襄其
事故為之弁言今浮屠家以福田利益動人而施者恐後

則斯樓也關一衛之風水係萬姓之觀瞻為三百年之古蹟不當初地化成較輕重緩急也向者吾城士大夫亦屢言之而乏為首之人今我陳公毅然有重新之志則神異者若有所待於今日矣我公多讀書或見豐樂亭岳陽樓等記千秋韻事今之有此舉也於古賢人何多讓焉公存心平易敬士愛民咸得其歡心眾亦踴躍從事知不日而告成矣政事之暇偕二三知己登賦樓詩飲酒瞻眺先憂後樂賢者所有事也太丘遺愛亦於是乎不朽矣謹疏

(國朝)

募修水府祠引

田起圖

城東水府祠倚山面城鎮江流控水道為一衛之八觀戊

子兵戈鼎沸委諸草莽久矣越十餘年居人漸集議修復之謂衛之有是祠也威靈赫濯每行舟上下遇風濤驟起奇險不測之際呼之如平地然且使陽侯效靈祝融屏跡居人安焉饗祀弗絕其來舊矣余稽古祠典凡有功烈於人者則祠之謂其可以捍大災而禦大患也若是則大有功於人矣神之憑依於是乎在修之誠宜急雖然余因有感矣一衛勝景多在東山而茲祠處其麓在昔盛時祠業間多別業登者因遊及祠因祠治業謂祠之可以寓目而之可以放懷也構茅為亭集雲為籬邇延野綠遠接天巖江流有聲峭崖千尺凡有物類莫不輔形合勢效技於軒窗之際皆曰一衛之奇觀也由是冠蓋之輻輳魚樵之唱

和絃瑟之鏗鏘耳聞目接無不可觀而樂也孰意盛極而衰一旦而蕩為坵墟也哉清湍修竹蕪沒於空山虎嘯猿啼幽暗於白日昔之勝區今為穢壤憑而弔之不禁愴然悲矣然而天下事衰者又未始不可轉而盛也要惟視乎人力耳雖今之所為壞者廢者不獨一祠而今之亟欲新者復者未始不可借此一祠以為勸也予姑發其端諸君子幸急圖之若夫構榭節稅之施歲月工給之費所需於人幾何余亦弗言蓋所信在神必不靳諸物力耳

龍塘募建迴龍寺中菴疏 田毓龍

吾衛由羊坪南去一牛鳴地曰龍塘舊有上菴下菴而下菴為勝心上人由楚麻陽來王斯菴凡三十餘年香火之

82
盛甲於他菴而上人尤苦行焚修不自利供養里之衆善
信等輒冀啓建中菴上人亦遂發願勸募庀材鳩工創建
大殿五楹兩廂各三楹庵廚福室以及前殿山門次第經
營一如下菴之制而加拓大焉第經始有日未易落成令
上人不憚拮据復有萬人緣之募余謂老頭陀但須把茅
蓋頭燒品字柴支折脚鐺足矣奚用是前後殿輝宏壯麗
者為既而知上人悲懇切而願力堅也未入生居五濁業
因深重所在皆有惟賴諸佛菩薩隨地湧現斯天龍神鬼
逐時擁護可以弭水旱而消災祲迴血塗而撈毒海是菴
既建將見一里之中菴居其三刹竿法幢上下相望梵唄
交宣鐘魚迭響有不發人猛省迴心向善者耶上人勗之

哉悲愆深切願力堅固時節因緣必相湊合吾知隨有衆
善信士施淨淨財以成合尖之舉者毗盧樓閣彈指閃開
豈不且暮遇之哉至募而云結萬人緣者何也吾聞之佛
氏無衆寡相第三禪遍淨天六十人共坐鐵頭由是言及
上人募結善緣人結善緣種善田收善果雖萬人猶一夫
矣又多乎哉樂矣哉論矣矣矣矣矣矣矣矣矣矣矣矣矣
募修學宮疏
昔朱子謂學校為政事之本道德之歸不可以一日不講
而欲講學校自修學宮始澤宮之修不徒肅觀瞻將以妥
聖靈而重根本也至邑亭官明弘治年間為都御史侯公
位所倡建維時科甲蟬聯人才輩出號稱極盛迨遭明季

83.
兵燹漸就傾圮我...
朝定鼎司李吳郡許公倡修始還舊觀歷今又將百年上雨
旁風年侵月蝕今殿堂兩廡階墀臺基鞠為茂草墻崩而
瓦損椽朽而拱壞正殿傾塌一隅余每朔望展謁怒焉傷
之謂學宮根本之地倘不及時修葺其何以妥人聖靈而
為諸生發祥地耶第念鳩工庀材非一手一足之烈因捐
薄俸募工伏石修砌

天子臺並砌正殿兩廡階墀以培基址冀繼許公之後且語
邑人固侯公鄉人也繼其志而述其事諒亦有同心焉幸
竭力扶助共勦厥舉庶學宮一修而人才蔚起科名簪笏
且十倍於曩昔之盛焉尤必有敦實行而崇實學者為

五
國家州為學校光是則予守土者之所厚望矣是為引

修險靈灘小引
夏之驥

我平江上游約二十里許有險靈灘焉絕壁千尋沉潭百
天尺兩山凹處茅菴數椽舟中仰之若在雲際對岸則平沙
廣野烟火數家竹樹參差妙若圖畫誠一方之勝概無奈
上江洪鼎沸四巖踳踳大皆數十圍交錯曲折為舟師往
來之厄小有不戒則葬於魚腹中者不知幾何人矣予客
歲偕數石工舟過其處凝目環視毛髮欲立有難以頃刻
安者因謂石工曰石可鑿乎曰可必俟之秋冬水渴石出
之時耳予惻然良久意興勃勃不計費之多寡亦不量力
之勝否輒欲創此利益無窮之事不欲虛以待人因捐若

千金謬為先導希我同志各量力俶助鑿之使平毋令為
患將見月白風清江上行人歡呼相慶雖各自盡其心而
陰功亦寧有窮也哉

募修觀音閣疏

洪湜

邑隔江正平山觀音閣前衛關中吳公所倡建也其地介
於江濱最擅形勢吳公建閣其上規模宏敞結構幽邃萬
卷之巖疊峙其前下則文水之洲環其側焉東則天馬山
若騰驤迤而北則石蓮數瓣相聳峙也每當積雨晚收浮
烟朝霽偶一登臨而樹影山光與水碧沙明相為掩映征
帆上下漁歌款乃眺聽清美有令人樂而忘歸者此吳公
千秋之流韻而吾邑一方之勝概也閣建於康熙己丑工

甫垂成會吳公遷去丹雘之飾磚瓦之需尚有缺然者模
菴上人迺謀合尖之舉予因述此閣之顛末庶幾吾邑人
士有起而勸其事者若夫福田善果之說則吾邑人士所
稔聞予故略之不敢多道

重修北極觀募引

鄭宏績

邑城內北極觀地脈由南山迤邐而至結靈簇秀鬱為高
阜面對屏山玉笏嶙峋下瞰平江流金映碧而又巍然聳
於闌闌之表故境內寺觀輒讓以為眉目觀建於有明雖
僅一畝之宮而殿宇莊嚴香火頗盛距今歲月久遠風雨
剝蝕數年以來傾圮日甚茲邑衆善信謀所以修葺之而
徵言於余余謂一邑興廢盛衰之故不止一觀而無不可

於一觀徵之邑舊為衛昔人有百年之後無平溪之語以
故興不百年而城郭市廛衣冠第宅時就衰廢不止此一
觀也今者衛改為邑百象有更始之樂庶物有改舊之觀
吾邑人士誠能破慳囊修善果首於茲觀加意修葺俾其
巍峨壯麗煥然改觀安見城郭市廛衣冠第宅由茲再興
日盛不如昔之舊也哉若夫殿宇既崇神靈以妥將來福
我境內民人貽於無極是又夫感應之理自然而然而不
待言之喋喋也余故不辭而發其端若此

募修鳳山菴疏而由表願出資修葺並賀士弘

城西飛鳳山其山於衆山相攢簇中聳起三峯高出雲表
如鳳翥翼而野鷄河水遠流其下青鳥家所稱玉帶水也

又山多蘭茝四時幽香噴馥故一名衆香山小菴數椽梯
巖架壑車馬罕至塵氛隔絕鄉先達讀書其上多得雋蓋
地靈則萃於人傑而山秀則兆於科名往往然矣第菴建
自前明越今多歷年所上雨旁風梁墜棟泐斷瓦頽垣幾
委灌莽於是紫氣山大師天祐偕本山住持宗聖怒然憂
之風雪當門單撐孤立誓衆告佛以修葺為己任踵門乞
言以為倡導余觀佛法不違時節因緣今日乾清坤彝時
和年豐人多植大善果種大福田琳宮紺殿所在興修何
况茲山尤擅一邑名勝人才科目皆由此出靈秀所鍾青
銅白銀其何吝惜師持此說以往吾知時節適逢機緣輻
輳凡我善信必有如須達多長者布祇陀之金師其藉手

以告成功如兜率天宮下移人世在一彈指間矣是為疏

募修廣嗣宮引

田 茶

邑城廣嗣宮前衛侯寧夏吳公所鼎建也吳公於康熙辛巳來守吾衛慈祥愷悌視民如子所以噢咻而懷保之者甚至復念衛自前明盛時頗稱繁庶迨後疊經兵燹戶口凋零人民天札積衰之勢日漸莫挽爰建斯祠祈保我一衛子孫黎民期復昔年之盛歲在丙申公由平衛遷永寧都閫臨行復購衛生員洪述昌大旺民田若干畝七鰲寨民土兩幅而衛人廩生洪履昌同弟續昌試昌仰體吳公意亦捐大旺民田若干畝公乃招僧往持以奉香火俾垂永久意甚盛慮甚達遠也顧自公去後衛裁設縣斯祠經

今四十餘年地既卑隘而風雨飄搖日就頽毀住持香火亦復不能蠲且潔矣今邑人士謀移建於城中迴龍山之高阜請於前邑侯劉公今李公及副戎盧公張公輒蒙俯允靡不欣然是與前衛侯吳公好生之德保赤之心後先有同揆也但祠之建非一旦夕之謀土木之功非一手足之烈官斯土者尚為我邑人子孫計吾邑人士獨不自為嗣續計歟矧今時和年豐間積善夙有同心施財諒必竭力尚冀慨然攸助共襄厥成將來佛母有靈慈恩廣被偕孔氏而抱送就寶誌以撫摩不獨吳公功德久而勿替即今當事諸公德亦終終不可誼矣是為引

得勝樓記

余朝

樓以得勝名志功也功始於前人而表彰於今日又所遇之時也湖廣憲副清江龔公師顏奉勅整飭辰沅兵備按郡至平谿登樓四顧慨然有折衝萬里之意城西北隅舊創有得勝樓因詰其巔末指揮使洪官進曰此故指揮使鄭泰立功之地也景泰中四方多事苗獠乘間竊發相率攻城鄭集衆堅守外援不至賊兵布滿山谷乃悉令男子憑城拒戰婦人則假以衣冠張軍勢賊又用棚車為穴城計鄭括取城中銅器製為巨礮十餘鎗壯士潛以修綆繫其車城上對設礮具守陴者鼓譟引綆聲發車覆而礮亦發擊殺若干人渠苗重創扶傷而遜此樓之所以作也

公曰小醜犯順自取覆滅宜無足言顧一城生靈賴鄭以
有今日古人念其勳猶思封植其樹今樓故存也可使其
人姓名不登於記載乎明日以語翱曰吾非從重死者亦
將以勸生者子宜記之翱故聞鄭事甚詳大率其為人甚
勇有機變緩急得士死力城初被圍賊中有挾左道者乘
小舟徑造城下矢石不能及鄭笑曰妖術也吾聞邪不干
正彼纔數人耳何能為遂啓門直縱之入夾門設伏皆生
俘之賊以羝革遺鄭蓋喻其種類之盛鄭悉報以犬革以
犬能制羝也賊以牛角狀如車輪者來曰能直此否鄭付
兵器局直之併遺以瓠之凹柄者曰能如我之直彼乎賊
不能答凡此小數皆逆奪其氣間得賊諜則引與共食豫

戒宰夫進饋虛實相形鄭則歎大嚼謀駭眠卒不能下咽
所擒獲即磔諸城令左右生噉之縱諜歸報第欲攝其心
實未嘗噉也人徒見其一捷以為偶耳而不知其戰守方
略蓋已素定彼時猶未有憲臣惜無能顯明其事迨今八
十四祀谿洞晏然父老傳誦不置而樓與其名遂相為悠
久信可記也已然則今之人何遽不及古之人哉人才因
事始見憲副公一號召之餘而轉移之機固已默運異時
必有翹然自拔為世屏翰者則此碑所記又功德之膏矢
矣鄭名泰字伯和後歷官湖廣都指揮僉事今指揮使鄭
仁實其曾嫡長孫云

按貴州通志載蒙能糾賊三萬人攻平溪衛南河伯方

瑛遣指揮鄭泰以火鎗攻之斃死三千人能亦被戮而能黨李珍等尚煽惑苗衆官軍計擒之克復銅鼓藕洞連破鬼板等一百六十餘寨覃洞上陸諸苗悉降與此記小異

都閫李公重修北門城樓設

黃鳳翔

平之城自天啓改元夏五月陽侯作崇水高於堦者五尺沿江一帶樓櫓雉堞蕩然漂沒墻之圯者無慮數十百丈而北樓為水所浸震蕩動搖者數四賴天之靈水得速退樓得不沒於水然而欹邪低陷剝落垢敝幾費數木之支矣當事者於城亦旋修旋圯至於樓雖有意修復徒滋議

論太類築舍之譚樓正有積毀耳孰肯殷然恢復故物樹
一於觀望耶守戎李公諱上進號前州蜀渝遵義奉命
守平清二衛會三山之苗弗靖擱於內地虜剽賊人民焚
蕩我廬舍我是以甫戊辰之役公披堅執銳親入虎穴致
茲蕩平厥功偉矣無何遭寇如何大邑吳拔楚楊老叟等
輩潛林伏莽猶為未殄之毒乃公沉謀密計百方誘致誓
死坐同臥起坦然茶以不疑一朝而擒渠魁以十餘人此
又從來師武臣之所未能者銅垂西郡莫不家戶視得
以安枕而臥矣乃以埋戎之暇親詣樓中見其景象驚目
而憂慨然以修復為己任難之者曰時方詘而舉羸即乃
公善營度得毋為無米之炊耶公曰不然天下甫治亦無

治法今帑廩無銖累之積與控之上官必不得請如若所
云將坐視此樓之廢如觀瞻何且又何用宦斯土者為也
於是以前餽廩所得者損若干為倡即三五鄉紳共助涓滴
公又時以應罰者佐之鳩工集材躬自程督其力作則以
所部卒輪輸共事獎掖誘勸不兩月而城之圯壞者數十
起完葺如故而樓之缺者正陷者起敝垢者一洗而新棖
題楹楹無不煥然樹以楹楹不異先時之舊矣於是所伍
中范某輩稽首而請曰自吾儕服役以來城之敝者不一
而足往往歸責於眾軍儲緩則櫛揚隨其後甚則三木囊
頭有剝膚面斃已耳今兵主自捐廩率作工役者竣吾儕
小人安受其賜豈天不欲浚我以生而以兵主賜我乎吾

儕力不能報惟有樹之不朽以識明德敢以告司記室者
余不覺喟然羨曰信然哉今之世其所當慨者多矣試觀
在位不獨流品遷徙不常者率一切傳舍即居官長子孫
塵飯塗羹耳蘧廬蕉鹿耳孰能取不急之務而任之且割
廩以充耶况守清署取俸入不足以供孔道授餐之需公
又御下凜凜諸非戎務質成者一切報罷清苦如頭陀寺
中非禰貸而益不足以飽其孥者其為人之所難為率類
此信然哉公之功在三山四郡間為人所豔慕不必贅撮
其修城之績如此後之君子其亦有感於斯文

鄭龍山父母阻礦去思碑記

唐一鵬

碑記去思蘄父老為鄭侯立也父老閱事為久論政為確

而彙所見聞曾未有如鄭侯之惠民者碑可無記哉惜乎
尊親有諱勢不能命一辭也比於羣首作隱語焉夫斬有
貧窘惟侯賑之斬有逋賦惟侯理之斬有疑獄惟侯割之
斬有旱蝗惟侯禱雨以潤之斬有額外之蜀餉惟侯調停
以佐之此名為卓異實前所常載者含沙射工投壺飛電
九泉暴骨萬室成墟此名為巨劫前史所未聞者侯以丹
心正氣撫百萬而衽席之庶幾曰侯實生我即從此而長
世獲保髻髦民且耕鑿咏焉而詔出昆明靖撫邛隸侯以
臬省之重謝案牘為圖史斬乃為失怙之邦如河洛之為
彝林多巢鷺如睢陽之絕援黜必析骸此去後之黍離可
以旦夕計者侯以一身為中原之山斗而以一去為漢東

之虛戾思何極哉思皇穹之悔禍也有輿入洛之輪以問
時政則斬之存者什伍思楚相之留偈也有新尹之告以
遺舊政則斬之存者什三南陽之竹還鎮遺黍也有招撫
之條舟集流徙則斬之存者什有一二蓋以賈淵墜谷之
心而思甘露慶雲之庇此碑中意乎昆崗烈焰而玉石焚
砥柱不存而狂瀾倒人生當此寄命於仁人之軌轍裴晉
公一蒞蔡城而民有生人之樂壺觴相慶此侯任斬之景
象也郭汾陽方離河朔而賊騎縱橫晉瑯琊一渡江淮而
衣冠掃地此侯去斬之左券也流連去就之間以枯魚而
望西江之水以精衛而勤填海之思此父老寄思之景象
筆楮之所不能竟也鮫珠以淚而成萇碧以血而就斬碑

以思而結記者以衆誹而興讀者可以言外索之乎

按蘄州志載鄭夢禎福建人萬曆中知蘄州時太監陳奉開采銀礦夢禎極言不便奏劾夢禎降調後武昌民變盜大起侵擾蘄境人思其剛正不阿云碑記當作於此時第字句間有訛錯無可較對者因一鵬著作湮失僅存有此故錄之

平溪衛牌坊記

熊明遇

牌坊之制其來尚矣平雖邊衛而英賢輩出文獻之邦華表連雲如都憲總兵父子御史恩命重膺諸坊以功名顯三元經元奎璧聯輝羣鳳鳴陽諸坊以科名著孝子貞節兩坊則又以彝倫重皆壯一衛之觀而表人物之盛雖然

坊表者固所以旌賢表節亦實所以厲俗維風也惟其人則青泥碎錦百世流芳苟非其人則身後虛名如彩雲易散耳嗚呼高山仰止景行行止平衛人士覩茲坊表尚其奮發興起無使前人獨有千古焉而可哉

(國朝)

題復平清學校碑記

王承祐

今上三十有八年 詔平清學校仍復黔省從大中丞田公祖之請也公諱雯字綸霞瑯琊人山左世家制科蔚起文章德業炳煇名都其立德立言立功之犬足銘彝鼎而光史冊矣戊辰夏公奉

簡命開府全黔權衡文武節鉞臨平諸生恭迎道左瞻望星

輶心儀矩範已面謁諸行署徐禰平清學校定制歷屬黔
省三百年來從無更變康熙二十三年內因驛遞浩繁撥
平清供楚之役並學校隨之兩科楚闈抵省數千餘里洞
庭險阻若登天然具呈公祖前冀加矜恤公時為首肯曰
爾多士其聽之孰知公之蒞黔土也甫下車採訪輿論聿
興人文先以造士者治黔蒞泮雖容環橋觀聽爭自濯磨
以親色笑由是金筑夜郎之士莫不欽山斗而慕文宗是
公之以化成天下者化成黔國裁成黔國者裁及平清所
以即據學臺張公祖諱顧行之詳備言多士遠應楚試險
阻艱難之狀入告

天子曰可前撫軍兩請中閣公祖以一言報成德之足以孚

宸鑒者如此

俞旨寵頒多士歡祝咸欲揄揚厥美頌說無窮因衛學博胡子燦與余有梓里誼郵致其事既詳且悉屬余記焉余竊憶黔陽捷後歲癸卯曾經平城滿目斷煙荒草以昔之雅尚絃歌者一旦人文寥落况又更張楚省洞庭之水如天柯亭之竹絕響青青子矜徒懷抑鬱余亦不勝扼腕幸公祖樹人倫之雅望迴既倒之狂瀾一言而獲施行致令多士式歌且舞仁人之言其利溥哉如是知公慮事周而化行速也聞其正以持己則吏嚴於條官守其程也而吏治德以綏衆民紓苗格四境告寧也而民安興學課士黨塾家絃因之飛英騰譽也而文風丕振寧獨平清蒙福哉今

公治蹟炳炳麟麟宣昭滇黔楚蜀之間未易更僕述也諒
聖天子心存眷注行膺異數之恩將見公之功在天下而治
黔特其緒餘以公之立言立德立功必入而委以保傅夾
輔之任喜起賡歌彤管尚未艾歟余復書胡子不能贊其
萬一為引詩以志之其立教而化行也德音孔昭君子是
則是傲惟公有焉其禰功而頌德也豈第君子還不作人
多士詠焉諸生其勉旃研精竭慮樹駿流鴻濟濟國楨不
負田公祖之請且以徵

今上文治之隆愈廣且洽也是固余之厚望也夫綴以詞曰
靈宣嶽祕金簡玉文挺生英哲齊魯超羣淵源洙泗道德
流芬臚傳三錫瑞奏五雲文章燕許事業甫申熙朝威鳳

94
盛世祥麟入司喉舌出典藩疆玉燭調已金甌卜將蒞茲
黔土式是南邦謳歌盈路袞衣繡裳惠爾平清思皇秀掄
桃李芳郁出自公門恩施百世璧水重新何以報之壽此
貞珉

修平溪學宮碑記

唐啓中

蓋聞開道統之先者賴有首出之聖人而扶教術之衰
者實藉繼起之君子惟茲楚衛平溪學宮創自有明弘治
地雖僻處黔陬而二百餘年聲名文物之盛禰為雄甲厥
後野狐作崇廟貌傾頽鞠為豐草我

國朝肇統開天崇儒重道他務未興首以建學明倫為急惟
黔後入版圖而賓興三舉一時人文又復彬彬禰盛顧此

宮牆就圯即有志鼎新者俱以羽檄交馳之會每趨趨而未暇也幸思州府司李許公以人龍文虎拔起江南儒宗之望遠近仰止康熙元年出李思郡而平庠以提調獲兼轄焉下車拜奠之餘瞻對悽愴即慨然以興復為己任時置邊署荒涼羽檄未息一飯間耿耿不忘於心奮力從事請命楚黔各憲俱報曰可遂傾清俸合學亦鼓厲攸助鳩工庀材公復日董學博生徒夙興夜寢備極辛勤舉凡引繩削墨之事俱公自指揮詳審不踰年而工告厥成若堂若廡若門若堦若啓聖宮若藏經閣若明倫堂暨夫環堵崇墉凡案戶牖之屬靡不自無而有燦然畢具煥然聿新其以妥 聖靈而廣楚黔教思之澤者真能炳耀千年而

蒸變多士觀者咸為頌實枚咏曼碩焉猗歟休哉謂非繼
起之君子而能若是耶昔韓昌黎建學於潮文起八代之
衰道濟天下之溺我許公文章治行卓絕一時今建學明
倫心旌直與昌黎接武都人士之謳思而不替者亦如潮
人之思昌黎焉歲丙午冬擢守思南龔黃政績正未有艾
平之士於公之來也感建學之功與思民之口碑相和於
公之去也誌隆文之愛與思地之棠蔭並深啓中濫竽衛
鐸猥廁執經受事之日與前教博交代間履地指述目擊
其詳敢為搦管他日平士蒸蒸豹變曷敢忘所自與公諱
虬號竹隱順治戊戌科進士江蘇長洲人時康熙六年歲
次丁未黃鐘月上浣立石

重建渡賓橋碑記

鄭君謨

衛治之東門外離城不數武有橋焉當雲貴要衝冠蓋絡繹商賈往來必由是橋此渡賓之所以得名也自有明迄今幾三百年溪水泛漲橋高而水不能為害突於今甲子春初為雷所轟西畔傾圮差使官商不無遠道迂迴之苦前守陳公以木代石暫通輿馬未幾木又朽矣茲者幸我公祖燕山孫公甫下車他務未遑因茲橋有關衝要毅然欲重修之爰集衛紳士議曰橋曰渡賓今若此其病涉矣予欲修之但萬里來茲俸入無幾不能獨任奈何眾等進曰此橋之修工鉅費繁公以清苦之囊詎能獨任語云眾擎則易舉公請首倡之某等共襄厥事公喜乃捐俸若干

金衛人士隨各量力攸助鳩工庀材不數月而橋完固如
舊衆樂其成命予為記予曰除道成梁民不病涉王政之
大者孫公其庶幾焉利人即利己又聖人大公無我之正
論凡我捐貲人士即此以為善而仁不可勝用矣至若因
果福田之說浮屠家每以此聳動人非予所敢襲也因書
其事並記其名於貞珉以垂不朽云

玉屏洪氏始祖鎮國將軍宗祠碑記

總督 王士俊

平越

玉屏洪氏為其始祖鎮國將軍壽立大宗祠於縣城之西
偏乞余為記予考古先王大宗小宗之法別子為祖繼別
為宗繼禰者為小宗小宗有四大宗有一有大宗祠以祀

其始祖有小宗祠祀禰推而及之高曾顧大宗之法世儒多謂難行雖朱子亦嘗言之故眉山蘇氏作譜僅從小宗之法予謂祠先之禮古今異制近高安朱文端公謂祠堂合祀之制使人聚族以祀其先而自高曾遯始遷之祖原本本瞭然在目而餽餘致福備言燕私親愛之心油然而生吾鄉一家必有祠堂以祀始遷之祖大家又立小宗祠以奉其高曾大宗祠以族之長者主之雖非正體而儼然一族之長舉十百子姓而承之而此族長遂為一族之統紀是猶有古宗法遺意今洪氏祠堂宗庶廟祭之制未知視古大宗何如若如文端所云則實有合焉已予聞洪氏先忠宣公皓家饒之鄱陽三子文敏公邁始遷宣城繼

遷含山傳八世至鎮國公壽生而狀貌魁梧性沉勇有謀
略值明太祖興杖策從龍始隸大將軍徐麾下繼從副將
軍常後又從征虜將軍鄧平蠻蕩寇屢著戰功先充蘄州
衛正千戶旋以功陞蘄衛僉事予世襲永樂十二年五溪
蠻勾夥黑苗復叛公從軍門王領兵勦平叙功優等永樂
十三年陞見賜蟒玉陞授平溪衛掌印都指揮予券世襲
是為玉邑始遷之祖今洪氏子姓立祠以祀追遠報本不
亦宜乎予與鎮國公十四世孫湜同鄉舉每過玉邑輒宿
其里竊見夫年伯廣文公邁昌長年碩德卓然為人倫模
楷其子若孫類讀書礪行卜其後之必昌且聞其族人多
醇謹務勤儉四民各執其業少市井猥巧游惰之習是皆

其祖宗貽謀之遠而為今時所罕觀者固宜其族之昌且大也白虎通義曰宗尊也為先祖主也古者所以必有尊長和睦也傳曰人道親親也親親故尊祖尊祖故敬宗敬宗故收族繼自今洪氏子姓毋忘祖宗功德廟祭之制循典禮毋炫虛文登斯堂也薰蒸悽愴致愛致懇餽餘燕享相親和睦嚴統紀講禮讓務讀書砥行而以醇謹勤儉之風互相勸勉則庶乎可常和睦而於人道親親尊祖敬宗收族之義胥得焉已是雖於古大宗之法有未盡合而於先王制禮之義又豈有背與曩予備藩粵東瀾若効力鹽曹廣文公時亦在粵喬梓胥以祠堂之建商之於予顧不幸瀾若早世廣文公歸亦以大耄下世今瀾若二子文學

長槩次璪獨費多金鼎力創建以成祖父之志而洪氏族
衆欣然攸助共勩厥成吾知由瀾若而上及高曾推而邇
之始祖九泉之下皆所樂聞也予故並書之以告諸洪氏
之司祏者鑱而陷諸壁俾若子孫有所觀感焉是為記

玉屏縣重修儒學碑記

布政使陳德榮

安州

玉屏學宮前明洪正間邑人都御史侯公位總戎高公崗
鳳兵馬司曹公繹所請建也明末傾頽康熙元年思郡司
李許君虬重修自時厥後楚省督學姚公淳燾暨教授劉
姓衛守備陳以治吳殿芳等先後重修顧皆補葺一時而
已今則風雨之所侵蛀虫之所齧鳥鼠之所穿穴上瀝下
漏敗瓦頽垣欹斜撐搯日就傾圮余蒞黔藩之五年歲在

甲子節據前令張君能後顧君濤捐俸倡衆詳請重修業
已陸續飭令興工越次年乙丑新令陳君齊襄復續捐俸
且謀改作為經久計於是教諭熊君元麟訓導宋君應序
暨邑紳士俱各欣助時又清出宋寨口鮎魚堡等處公地
獲充公用陳君朝夕相度而兩學博及謀生董是役者又
皆若視己事勾會計庸勤勞晝夜凡工匠陶旋鍛冶之材
庀之也良自正殿兩廡崇聖祠尊經閣明倫堂以及三門
六戟宗廟櫺櫺棖桷楔枋之屬悉撤舊更新烏革翬飛彤
髹駁蔚木主龕座改制如式自堂徂廡煥然一新廓基址
甃堦城繚墻垣百廢具舉名雖重修實則創建計費白金
柒百有奇不費帑不勞民自甲子冬經始以今丙寅三月

落成會余奉

簡命調任安徽抵玉因得詣學周視見夫規模宏敞締構堅
緻意我

先師靈爽式憑故費約而功倍如是耶爰進諸生而語之曰
學之設非徒朔望展謁及春秋上下牲醴豆籩釋奠釋菜
已也古者黨庠術序皆所以造士師氏教以三德三行大
司徒賓興先教以六行六德六藝皆在於學焉我朝

列聖相承加意作人崇儒重道所訓勉期望乎士子者尤無
不至近復頒貯經史諸書以資誦習矧玉邑學宮七星
面拱文水後繞三台萬卷東向旁列山川靈秀聚焉自設
學後人文蔚起科甲仕宦代有聞人聞諸彤家言實茲學

地氣使然諸生遊乎其中藏修游息憬然於先王設學之意講道考業明倫礪行先器識而後文藝由經術以達於世務不惟區區科目之為重與利祿之是徇處為醇儒出為名臣不負今日重修之功於以克副

聖天子棧樸菁莪之雅化余雖去黔而舊忝旬宣其亦與有庸哉爰是欣然而泚筆為之記俾鑱諸石其捐助督工諸姓氏具載碑陰

重建南明樓碑記

田榕

余邑鐘鼓樓建自明初位南山之下易曰明兩作離大人以繼明照於四方離處南而能照於四方以其文明也樓曰南明義蓋取諸此基址方向俱張三丰所定累樓結頂

巧非人力明末南寧侯張先璧搜各寺鐘抓搭浮橋至斯樓鐘忽自鳴懼不敢動至今乾隆丙辰為鬱攸所燬豈神仙留蹟固難免昆明一燼歟抑凡物興廢有數必待廢而復興而後愈極其盛耶幸我邑侯閔中張公宰邑十年一日於城事僞功輒謀重建茲樓且捐養廉為倡余邑人士因各量力欣然攸助以辛酉年九月鳩工撤臺基細石甃以採伐巨石四隅高各二尺八寸周廣各一丈三尺基地復漫以石周廣五丈六尺樓累三層周廣丈尺一如舊制而增高五尺有奇飛簷廉竣宏麗不惟舊觀頓復且視昔有加焉歲在甲子孟春工甫垂竣適公超擢都江別駕行有日矣余邑人士僉謂茲樓之建公之有造於後匪

淺鮮也宜鐫諸石屬為之記曰洪惟我

朝奄有區宇邦畿內外既皆繕城浚隍以宿兵衛民復有鐘鼓之樓非徒以壯觀瞻已也周禮六典夏官挈壺氏有下士史徒之設後世廣為麗譙陳鐘鼓而奠漏壺其下以定昏曉以驗中星凡以重官守而勤民事余邑雉堞女牆既崇且固而復有茲樓簷鐘篋晨嚴昏儆公私上下夙興夜寐因之有省出作入息視以為節而又俾司晝夜主刁斗之士得以傳漏鳴柝以戒不虞斯民所以長享樂利而獲安於衽席者也且余邑蕞爾一區為全黔門戶惟有茲樓扼要居中與四城樓爭雄並峙儼然巖疆重地有以聳遠近之耳目而默肅其志氣詎非講形勝者之所不容忽

歟又况位乎離宮為闔邑文脈攸關將來人才輩出科目
之衆文章經濟之卓犖胥戾契致也則是茲樓不且以廢
之故興而愈盛耶庸並書之以諗後之君子公諱能後四
川閬中人庚子舉人而余邑人士攸助之姓氏則列之碑
陰

迴龍橋碑記

洪 湜

夏令有曰十月成梁孟子曰十一月徒杠成十二月輿梁
成輿梁雖細事實王政所不廢也吾觀康莊大道輪轅輻
輳往來者衆橋梁之設所在有之至於村寨去都邑遠屬
揭興嗟病涉所不免矣平溪西南四十里有溪曰梭溪即
野鷄河水之發源也其地通黎平鎮遠沅州諸處商賈往

來多由此焉崇岡峻嶺一綫羊腸自天而下山下波浪濼
洄訇轟湍激勢若建瓴若劈剪驚心駭目不可瞬眎每當
春夏之交山雨驟漲兩山洪濤巨浪奔沸於其中危險尤
甚行旅至此弛擔裹足限天涯於咫尺詎不悲哉余與鄉
之長者商之勸其創建石橋以資利濟咸以工程浩余曰
否否利濟萬物者正於萬不可為之中有必不可已之大
為辭念而顧諉於勢之不能力之不及所謂天下溺由己
溺之者抑獨何哉且吾更聞十方善果待人以成八部勝
因隨地而現洛陽肇興未可專屬菩薩之力也一時聞者
咸有感於斯言概以興修為念為首者吳文質吳貴寰而
里衆亦皆欣然俟助輸金助石鳩工庀材同心修舉閱六

102
月而告竣跨長溪而過凡為拱者三焉蓋一創造間而規模已宏遠矣余與鄉長者循視而嘆曰是橋也不獨便行旅通往來即一方風景亦煥然改觀焉其有造於後也豈淺鮮哉爰綴數言俾鑄諸石以志不朽是役也始於康熙辛丑三月告竣於九月共費白銀三百餘金米二十五石其樂修之衆姓另刻石云

飛鳳山遊記

賀廷楠

壬申仲秋予偶襍被信宿於野鷄坪小別業中距飛鳳山二里許層巒疊嶂中聳一峯屹然高出旁有兩峯夾拱如鳳舒翼聞前明時邑人士讀書其上千青雲而直上者踵相接予竊心焉慕之秋既杪風霜高潔天氣清朗正悵望

間適鄭子子安洪子緝熙田子東陽鄭子元功及家舍弟輩枉駕相顧茶話畢輒勃勃然動遊山之興諸君皆歡然樂往遂相與步田間過壠畔漸近於山山之下野鷄河也水流如帶清可見底上架木為橋過之影倒水中因憶飛卿詩人過橋邊倒影來之句流連久之越里許歷數百級至山腰有小祠略憩氣喘甫定鼓勇前往更歷數百級為佛殿殿創自前明上有匾曰衆香國三大字山多蘭茝四時幽香馥馥昔有高僧挂錫於此因題以顏其額故故名衆香山殿內左右壁多名人詩惜多漫漶不可卒讀去殿右十餘武丹崖翠壁妙若畫圖中有石罅瀑布如練下有泉曰瀑布泉數折而後入於河一井泓然在瀑布崖東

東攀蘿援木過石壁歷棧道乃登絕頂下視羣山纍纍如
蟻垤俯睇孤城烟火參差悉在衣帶間少頃僧人烹茶至
茶罷循石磴達於山左上多古木如龍如虺不可名狀水
聲澎湃起於足下時衆皆倦甚日晡迺下山小飲村莊皆
曰勝遊不忘也予輒援筆而為之記

墓

誌表

明

公明文林郎廣西梧州府藤縣知縣紫庭曾公墓表

無前出墓對左當山亦合

尚書

熊明遇

南昌

墓表

嗚呼此故蒼梧郡藤邑令紫庭曾公之墓也公諱鳳彩字
新陽別號紫庭其先黃之斡春人有祖曰鍾者國初以君

子軍從征隸平溪遂家焉鍾生貴貴生贊贊娶韓有五子
長仲學即公父別號左川里巷稱長者娶侯夫歸垂四十
無所出裹糧跋武當山施舍趨急陰行善事丁丑果舉公
公生而穎悟軼倫髫年屈首受書無間寒暑弱冠娶孺人
即李罇補學宮弟子母侯殂事繼母洪如侯也公天性真簡
墓雅不能問生業即樵蘇晏爨糝粥一餐猶呶唔齋頭不輟
口時李孺人已舉一女矣任達嗜酒讀書遐輒遊於高陽
之徒間近婦女不覺陰病而讀書飲酒如故為制舉義清
逸沉深壬子舉賢書第十九名癸丑會試南宮得副榜時
功令與副榜者超諸選人授學官異數也公特不樂就左
川公勉之曰就哉吾老矣且也學官初授固無阻公車之

104
對也則假署教諭事於青陽對九華之雲飲楊子之水日
與諸弟子論道講書課文習禮大吏騰薦剡多第一比載
會南宮不第竟領巴蜀之長寧真仕矣長寧僻左其俗羯
彝不馴里長多豪敢而漁食單細徭役無章胥吏經收賦
銀以羨溢媚官兼乾沒半之遂致逋負如山勾稽滿路民
流土曠公下車首革里長編入均徭收賦銀如投鋸謹其
權量納者與解者登堂徑相授受官第責其大指胥吏相
懾以目而已於是輸者兢勸數年積逋次第主進下墾田
招撫之令復其三年而流移歸者三百戶辟草萊五千頃
爾時政通人和上獲下信會高縣乏令公承大吏檄假手
高縣其治亦如治長寧甫二歲丁外艱兩縣皆謳歌於塗

巷尸祝於畏壘聲名藉甚讀檀弓者三年除服補藤縣令
藤道孔民刁悍賦額稍寬外有脂名而中乾賦銀主進經
收之弊更十倍公刻意為潔白公正之治釜甑幾塵乃剖
決如流間按其不法以視好惡邑中莫不耕稼力田上下
翕然稱廉能云會三載考績臺使者方課最報銓功而以
冒暑溼竟不起時索囊中裝僅得八金購櫟車合臺司士
民之賻乃能歸襯行時號哭相送幾於罷市而學使夏公
急檄所司進公名宦之堂矣歸而置廣柳車於郭外一椽
間其郭中之居僅二十金所貫問田盡質於豪大家負進
無慮千金挫產不能已責止李孺人一女適洪名彝早寡
竟無嗣子立他人子名之一從兄鳳梧子希孔娶萬夫尊

女一武舉孫繼爵子希哲尚公幼生於萬曆丁丑五月初六

日辰時卒於天啓丙寅七月初八日戌時希孔等卜以丁

卯六月一日襄窀穸之役於冲壘之陽介汪生起圖為之

狀乞言於惇史氏乃斂容避席而歎曰天道是耶非耶廉

吏安可為雖然吏稱黃霸朱邑龔遂召信臣等所居民富

所去民思生有榮歸死見奉祀此數人者德讓君子之名

傳於千古豈其子孫張之耶巴蜀西粵之人思公如衆人

之母則人盡子矣俎豆之享世多有子孫陳乞而不待者

公得之又第遽耶於此可以定蓋棺之論矣夫以公居約

時嗜酒及色君子愛其清狂小人笑其落魄及居官奉職

守身如處女倘所為賢者之不可測乎至同姓之立子考

之喪服大記及大明律令禮而法者也真子矣其異姓者亦攜持自襁褓中如大將軍青終身冒衛姓不問其鄭也乃柴之繼郭五季人主尚不以為非况士庶乎而公之所以瞑於地下瞑於地上者以彼不以此何者廉吏傳未容人攔入也爰為之銘以表之曰

廉吏安可為民肥而身瘠廉吏安不可為身死而名弈峨眉之雪象公冰蘖蒼梧之雲護公精魄墳高三尺碑豈五尺皆磊落乎鬱林之石魂其歸來兮千秋安此宅

明登士郎廣東石城縣儒學教諭屏山燕先生墓表

兵備道 華啓直

往予典永郡燕君祖召為郡博士予重嘉其良於教也詢

其自始知尊人屏山先生嘗教五羊有聲而君蓋奉乃倣
行之既予祇承天子命分巡思石道出平溪衛為燕君并
里屏山先生猶晉予稱謝予見先生矍鑠竊為燕君喜亡
何遽聞先生訃矣今予再按平溪會燕君亦至自永也君
謂嘗受予知丐一言勒丘壠以揚先烈予亦慟先生不復
再見弗辭乃按狀與銘得先生梗概大都先生為人性穎
敏嫻而孝友母涂氏早逝哀毀骨立移事庶母祭如己出
父千戶鳳嘗患瘋疾艱動履乃躬侍湯藥同寢處者三年
祖田有應屬先生嫡子者則推以讓異母弟百計惟承父
歡心故父病革猶連呼吾兒真孝子不置家世繩介胄至
先生竊恥之獨操鉛槧遊醫序楚督學使孫松山一校大

奇之期以鼎甲先生益下惟奮志文愈有名且倡明道學以淑後生故一時出其門者若萬維一鄭國賓高世儒俱誅誥取高第而貢途之顯如劉世文輩尤蒸蒸焉嘉靖戊午應制貢謁選授廣東順德縣儒學訓導順德故名邦至薰先主之德而善良者益多其人蓋不徒以經術教也越癸亥擢掌石城教事士方倚望甚殷先生勇退之志決矣不待檄而浩然以歸時李中丞三洲玉書贈之曰香沁芝蘭沅澧月春歸桃李洞庭雲至今粵士猶競誦之比歸十餘年謝絕人事日杜門課諸嗣嗣如博士君薦賢書行躋膺仕而伯曰尊召充廩生叔曰榮召纘戎烈季曰顯召亦寔寔有成業皆充廩器實先生義方之明驗歟然先生雅

好醫術而活濟者甚衆不喜浮屠為禮經創祠以修祀事
世俗範之遂丕變歸於禮義則聞先生之風而興起者又
匪直士為然也故鄧棻溪撰志銘亟稱為科第外名流吁
得之矣然予反覆先生其孝友之行上接曾閔條教之善
直追蘇湖高蹈之隱匹休陶令居鄉善俗之化又與彥方
輩相頡頏若先生必當於古人中求之哉雖官未酬其所
學與志而諸嗣昂昂皆承親以為則先生可謂生順歿寧
者矣予不佞姑掇拾所聞表而勒之貞珉俾後來觀者咸
知邦有屏山先生如此

汪經歷子女墓誌

衛經歷

汪 梲

休寧

此寒職子女二人之雙塚也職家徽州休寧苦此荒邊遠

衛零丁隻影涉四千里之長途艱阻孤危攜十餘人之家
口歷萬里舟車之險七年無衛募之居乃蠲俸建宇以鶯
遷且齋戒祈天而蟻謝故神龍賜拱護之功而燕廈遂併
幪之庇者已三年矣邱龍掘土三尺餘深遂致男女累死
四人非命他人震驚地靈吾子女苦受天譴仰天難訴伏
地莫叩罪及無辜情極可憐窮天下之悲極人間之慘孰
有甚於此哉且予官貧子苦晚來子女甚欠恩育而幼子
億郎幼女喜娘獨賢能自幼早知艱苦能體父母之心喜
娘女德淑慧所不忍言億郎聰穎出入讀書不顧饑寒不
思飽煖去年誦詩數日而唐宋百章今年讀書數月而學
庸二本方從張先生發蒙教以先賢格言歸輒題寫遍滿

108
堂壁偶見禪僧說法夜歸即學禪坐對堂壁朗誦格言凡
所記唐宋詩章高歌燈月之下以浩蕩胸中之豪若其意
氣之崢嶸一有未盡又必翱翔起舞其潑潑天機灑灑不
凡脫然塵表曾不知天地間復有何物誠非尋常稚戲之
侔實有性真曠達之妙且其心慮之私最欣慕者見此
邦儒學斯文必向往而觀法之又私歸想像倣倣或習其
解書口講規模或學其鄉飲百拜禮樂又自幼喜習射御
能自造弓箭竹馬天性善寫楷草且能習明算盤九數生
雖僅有七年才實兼得六藝奈何生不逢時而遇親不慈
一旦而妖死於非命固此邦不平之冤抑亦此邦仁人君
子所之矜憐山川鬼神之所遺恨也第愈吾垂坐而精明

固此邦山川之英吾既生不能識歿豈敢褻故謹盡敬盡
禮完墓此邦山川全而生之吾亦全而歸之子亦存順而
歿寧矣幸賴神力護持此一抔之土並乞仁人君子念我
宮微路杳長江天塹苦四千里之迢遙洞庭鄱陽阻二大
湖之漫漶憫吾子妖死之孤墳俾永為名邦之古墓庶歲
時寒食真以一盂不負吾子存日欣慕此邦斯文之心而
山川生吾子之心仁人憫吾子之心舉無負矣謹謹哀告
封樹既畢並系一言聊慰吾子九泉鑒之非尋常祭禮也
一曰嗚呼吾子吾女兮雖得天之不多實才優而德邵世
道雖生猶死壽而無聞兮又不若吾子之早世而克肖且
人壽之百將實古今之難到有生之而特賢必奪之而獨

109
早矧天地之間萬物本同一氣可以一瞬息而通天地之
遙幽冥之理百世本同一原可以一呼吸而速感與之召
汝其順聽天命安此佳城居此宅兆汝其瞻依天親在國
在家相隨相照或出或歸以行以坐一體本同隔世本肖
還如生存形影相靠兒女俱賢聽我哀告幸其謂根本之
皈依而勿謂遠近之隔寫

二曰城傍澗兮泉瀏郭敞樹兮雲幽夕皎潔兮月明朝馥
郁兮花柔吾女吾兒兮其清輝瑩潔毓秀之流其瓊臺玉
宇縹緲之儔是以厭塵竇之狹隘藐人世於一漚而欲奮
身乎八表之上以謁帝於鈞天之遊欲侍從乎王母之庭
以超鴻濛而跨九州

三曰星坡磊磊兮列嶽峻峻七峯千仞兮鳳翥龍騰峯下
幾派清流兮玉澗盪盪中有英哲郎兮一墳郎神武兮振
英風奮千仞而騰八極兮驂鳳乘龍浦清流而揚素波兮
駕飲澗之長虹青山瀟灑兮綠水濤溶妹德淑清兮爾英
明清德可名玉女兮英明何愧於金童從西母兮侍天翁
挹清風而謁帝兮抱明月而長終山川鬼神既嗇我雙童
其護吾兒吾女兮有億萬年與山高水遠而無窮

明登仕郎姚安府教授小塘劉公墓誌

鄭維藩

公諱世文字存質號小塘其先姑蘇之崇明人高祖剛於
國初附自金陵剛生文亨文亨生貴凡三世累功陞定遠

衛指揮同知宣德三年貴以原官調平溪衛遂世家於平
劉之先故無文士有之自公始再傳而盛者自公之季子
崇吾君始先是貴生達達生勇勇生二子長恩承襲公伯
大父也次忠即公大父忠生雲衢公佐即公父雲衢公娶
於方生二子長公次文博君桂亭也公幼穎異沉恂不為
兒童嬉戲誦博士家言日以千計同社中咸器異之初伯
大父歲晚無嗣欲立雲衢公以及公大母李氏固讓之曰
伯氏即老尚可置室斬嗣郡吾子若孫應貴獨無一經可
治必沾沾惟命耶大父公豁然為首肯者久之公以故不
得立後伯氏亦有嗣迄今圭組纍纍公大父大母一言留
之也公長治博士家業益精自雲衢公卒家政漸落食指

日益衆公儒生雅不欲持籌筐筭之貽朝粥焉饗夕粥焉
殮猶不以貧故徙業日提子弟訓誨之奉方母與文博君
輩相依一畝之宮朝夕惟讀書聲呶唔不絕也公常肄業
旗神祠會天雨驟甚公起步廊廡意若有獲者偶一鴈墮
正當公前公持以歸諸弟子相慶曰先生自此升矣是年
公食廩餼自是弟子益進四方從遊士凡數十人公悉隨
才造就不執方隅又沾沾為修脯計故貧士之立名登
仕版者半公門下焉公誨弟文博君極委婉文博君少軼
宕喜畚插公憂之會有採木之役徵及什伍者公謀於執
事假以檄激之於是文博君始奮而就學底於成矣大率
盡心竭誨多類此公猶奢於行義而拙於取價儕輩有急

輒不憚多方周濟之間或代為券以呼人甚至有公為貸而竟負公者公亦恬然代償未嘗有怨言顧橐中蕭然也公負鴻理蠹幾三十年試輒高等竟奇於數不獲售主司嘉靖辛酉歲應正貢無何丁方母憂時雖脫寒酸祿養未及凡殯墓極力從厚大不類寒生隆慶丁卯謁選授烏撒衛訓導已遷南建平諭再遷姚安府授所至不干於有司首著琳瑯一經毡席裕如也歸林下二十餘年絕口不談市井事無小無大悉飲之以和人亦醉公德無不長者歸之居家庭課諸英斐然各有成就然竟不施夏楚循循迪之已耳其慈以成其嚴又如此歲戊子崇吾君舉鄉試第一公略無增色鄉人爭謂積善之報天道洵不爽哉乙未

崇吾君以一榜登銓部得楚之辰溪諭辰故涼薄昕夕以
菽水為憂公書戒之曰辰溪誠薄獨非子弟哉患師道不
立耳遑惜其他母憂老人會崇吾君及遷期而公遽報訃
矣夫劉氏之業儒始自公而公從弟松山君為耒陽諭者
與桂庭君同出門下一時膺圭組者已三人逮今子姓振
振頭角嶽嶽崇吾君哀然首舉於鄉進未可量劉遂為平
之望族豈非吉祥善事而向者大母一言基之哉亦公盛
德愈衍而愈長也公生嘉靖壬午十二月二十卒萬曆戊
戌十二月十一壽七十有七以己亥十月初九日厝於濛
山之陽公娶袁孺人生男五長尚仁廩生次尚義庠生次
尚禮庠生次尚智庠生次尚德即崇吾君孫男十四芳譽

芳名芳遠芳美餘俱幼孫女十四字適俱名族曾孫一唐
史記汾陽考終時子孫入侍四十餘乃不能盡辨但首領
之而已公子姓媳壻輩幾六十餘人聞逝之夕紛集環列
簪相摩履相接一號震里巷嗟乎亦古今間值哉乃為之
銘銘曰而先戎功起於疆場肇茲文運實公用張一鐸三
藩首藉瑯瑯繩繩如貫愈傳愈昌睠維祚胤幾於汾陽濛
山巍巍濛水湯湯於萬斯年寢成孔臧

(國朝)

平溪處士洪君彥吾墓誌銘

推官王孫麟

西安

予司理辰郡兼攝糧務篆奉憲督運沅平清浪等處至平
衙停舟數月衛紳士進而謁予者類皆彬彬雅雅內有洪

諱國英尤為醇謹予甚異之未幾伊父見背生手叙行略一帙乞余為作墓誌緣軍務繁冗未暇檢閱而平守王君亟為余言曰此生之父平之孝友人也余素稔悉公其無辭及夜歸公廨取行略閱皆與平守言無間吁忠孝廉節古今所重凡人能盡其實者皆當獎勵而褒揚之子雖不文敢以一銘為答君諱名俊字彥吾先世江南宣城人明永樂年間由蕪州指揮僉事開闢平溪有功陞授本衛掌印指揮使予劾世襲遂家焉曾祀諱鐸祖諱世賢皆貢元不仕考諱應儒文學優裕未弱冠即食餼成均三赴棘闈屢薦不售後刻志經書寒暑不輟竟以感寒成弱卒生子二長名巍甫七歲次名俊甫五歲次即君也其家原甚

113
審自失怙後益難堪君之兄請於母欲廢芸窗而效陶公
以為饒母計君在傍爭為不可曰兄仍當讀書以圖上進
我雖幼凡市中小貿亦聊知措理供母日費兄勿以此廢
學母見其言誠實允所請君後遂以貿易為業一日至城
外江干偶值舟中過客見其丰姿穎秀詢何不讀書君以
無資供母對客攜之舟列菓食盤有魚鮓君取以繫之紳
客戲曰小子不愛菓食而獨嗜魚耶君曰承賜不忍先食
將持歸以奉母客異之贈白鏹五金魚數尾君辭曰未奉
母命不敢受客強置於袂君堅擲於舟客尤驚異之撫其
頂而言於衆曰稚子已知孝耶是吾輩不及也客感其言
後竟棄生理以歸養又一日在外家聞母病即欲趨歸外

祖曰日已暮矣此地相間汝家四十餘里安可歸乎強止之君私行之外祖覺促命人伴歸至中途遇一虎伴歸人驚奔君毫無懼色昂昂然獨行而虎竟馴服不敢害也故時人皆以為孝德之感云及娶許氏亦賢而孝每遇冬間君皆命氏伴母宿己獨寢於私室君自幼至母卒之日刻不忍離當易簣之夕號呼啼泣絕食幾日親族力勸雖進粗粥猶不甘味殯墓衣冠極其豐厚凡四時節令親作饋饌誠獻墓前躃踊哭泣即大風雨不避因思慕甚刻二親木像盛之於囊行則負於身當食先奠於像君後方食祭祀亦如生前及衰老不倦其兄名巍以家計不累苦志經書得食餼饗宮家業自君經營日漸豐饒後以人衆析居

君將田之膏腴者盡讓於兄瘠薄者悉歸於弟而且朝夕
事兄必誠必敬儼如嚴父嗚呼君之孝友幾以加矣余
嘗見素知禮義鮮有能盡其萬一者今君一愚氓耳乃能
敦其實而無忝焉豈非至性有邁人耶君生於萬曆甲午
年九月二十三日卒於康熙癸卯年正月十四日得壽六
十有九生年長國英次國楨皆廩生三國新庠生四國
衡武庠五國寧庠生女二長適侯平元次適夏啓嗣孫十
主人曾孫十五人三月十五日墓於道場坪吉地繫以銘
曰孝弟庸德百行惟先按分溯古克盡寥然繹君和順何
無愧焉方名仲孺繼美陸賢吾銘幽宮千秋永傳

廣文田角靈先生墓誌銘
下開
于
余

竊嘗謂爵秩之所最重而未可閑散失之者莫過於廣文
一官蓋國家之治亂民生之休戚庶政之能否視乎人才
而人才消長之故起於學校學校不得其官人才安可問
乎漢李固云一日朝見諸侍中並皆年少無一宿儒大人
可顧問者誠可嘆息吾於今之廣文亦云無論費即目不
知書即鄉舉里選之士學不通經行不師古鄙瑣齷齪茫
無所聞甚至有敗檢踰閑苟賤卑污亦儼然端坐舉比號
為人師嗟乎為人師者如此此宜天下之人才日趨於盡
而國家鮮有雄俊奇偉之士與共天下也若安邑訓導田
先生其卓然者也先生姓田氏諱起虬字赤生號角靈籍
楚之平溪其先江南如臯人也幼孤力學慷慨有大志不

不幸數奇五踏省門不遇康熙酉己應歲貢癸丑甲寅值
吳逆僭號或勸其就選人當得美官先生堅謝弗往曰三
桂畔逆亡可立待可自污耶及三桂敗受偽職者悉奉裁
革先生獨荷錄用人皆服其高節初署偏橋衛教授旋值
裁衛補湄潭訓導及學校歸楚改補桂陽最後補授安平
四任寒氈或者曰君非首宿中人也先生曰孔子為委吏
為乘田孰謂訓導不足盡吾才乎平日強識多聞前言往
行目擊身親時有所觸援据鑿鑿尤熟思宗時事疆域之
蹂躪將帥之庸懦朝局之水火手畫口談娓娓竟日聞者
忘倦於經史多所涉獵尤喜讀左氏書於三傳貫串無遺
有以所疑質證者得其一言渙然以解早工詩文後務講

明理學敦崇實行不事著作然間有傳者皆深造古人非
今人所能到也天性誠篤素不欺人亦不肯受人欺稍有
不可輒義形於色不少借浮薄之士心竊啣之然不能不
敬畏也其尤不可及者戒諸子無侍左右蓋痛傷先人彌
留時己方襁褓不知盡哀及母氏捍姑殉難又越在他境
抱恨終天也緣是孑然寒暑飭巾待期嗚乎此其至性真
切為何如而豈世俗人之所能知哉惜乎天末夜郎士志
卑微薰其德而受其益者落落無徒使其振鐸名邦式型
中土其所造就當未可量而安邑人才較勝他邑登賢書
者不乏其人束修自好之士亦往往而有夫孰非先生之
澤六年來所濡染而噓植者乎觀其一門力學芝蘭競諸

秀諸子皆頎然大儒而諸孫亦皆頭角崢嶸文名鵲起是固家學淵源亦可見膏深而光遠行將琢磨砥礪以為國家之用而先生又應召玉樓不獲見其勲業也悲夫先生春秋八十有三以康熙四十九年二月十六日酉時卒於安邑之官署子四長種良歲貢次種穎恩貢生授獨山州學正次種恒庠生次種心庠生已故孫十二松播榕檉楠橘荼搏棠槲楷樟榕已食饒有文名能世其家學者也曾孫二燾熙小辛卯年塋於葛藤凹之祖阡為康熙五十年銘曰先生之官署冷毡寒展轉四易勃窣蹠先生之德至誠悃悃忠孝大節炳於邦族先生之文景星慶雲矯矯白鵲下視鷄羣先生之後肯堂肯構玉樹爭妍芝蘭競秀

鎮遠府儒學教授蓮峯許先生墓表

知縣 蔣星深 長洲

先生姓許氏諱之解字直菴別號蓮峯其先江南全椒人
也始祖恂從明太祖征陳友諒功陞南京石衛指揮僉事
二世祖昇從信國公湯和征靖州思州洞蠻平之後領軍
開闢平溪建城屯田世襲衛指揮使武宗時宸濠久蓄異
志有江西操捕都指揮使許時上書沮諫數抗逆謀濠杖
殺之及濠敗追錄其忠諭賜祭墓早知直節更有在於孫
燧許達二公之先者其四世祖也明軍衛指揮傳至先生
父闕五公諱名世入本朝始告退闕五公生二子長之麀
先生其次也幼穎悟過人博學強記凡經史諸子百家言

罔不涉獵下筆數千言立就十五補博士弟子員屢試冠
軍緣數奇終不得志場屋丙寅貢成均時秀水姚公淳燾
督學楚中得先生有國士之目在京師歸安吳公涵韓城
張公廷樞輩咸折節友焉教習考滿需次選人先生以開
立公年踰七旬不欲就遂辭歸後閤山張公聖休參藩松
茂先生為記室凡所指陳條奏動中竅要為利於蜀中甚
溥相從廵邊由成都而西抵打箭爐數千里外邊蕭條風
雪慘淡先生岸幘其間賦詩飲酒意氣自如張公故當世
豪傑得先生益以自壯最後相從於楚臬署有劫盜殺人
適逢赦內有例得赦者先生議全活之而楚撫軍慮楚盜
多不可縱齟齬之先生援例爭之彌力後咨大部卒如議

凡張公在楚多所平反全活近百十人舉廉黜貪興學造士嚴禁游惰埋瘞枯骨善政纍纍微先生左右之不至此歲壬午張公宅憂去任先生亦倦遊方思偃息里門而新銓滇南佐郡鮑公聞先生名復百計攀之儲往及抵任事無內外鉅細咸惟先生言是聽不數月能聲懋著為滇南第一後督撫各憲見鮑公以任子筮仕通敏練達詰以故鮑公具以實對督撫各憲爭欲邀致先生會先生銓授餘慶教諭辭歸就任乙酉至餘慶任先生不以官卑俸薄為念崇教條抑囂競盡心乃職屢罄家貲供給饘粥舉行月課釐正文體諸生中赤貧者如黃某某等資其膏火勉以上進餘故小邑讀書者寥寥自先生司鐸數年士習文氣

然丕變癸巳甲午登賢書者驟得胡慎黃綬毛邑等數人
餘自設學以來未之有也詳革丁憂起復陋規不問束修
尤今人所難丁酉陞鎮遠府教授大中丞龍門劉公重其
學行檄主陽明書院事會中丞有北征之役事遂寢而先
生旋示疾矣天性孝友事關五公暨母袁恭入繼母楊恭
人怡怡色養盡孺子慕與兄明經鹿友相友愛雖析箸之
後有大被之風儀貌豐碩道德之氣粹面盎背與人交有
始終必誠必敬然外和中介意所不可雖責育亦不能奪
也居恆教子弟必先勉以性命仁義之旨砥礪名節之事
後及文藝以故黔楚之交砥行立名之士多出其門焉先
生文不一格大約近曾南豐錢唐諸虎南序之於詩合風

歸雅得詩家之正聲德州孫峨山先生視學黔中推以為

一時名下所不逮皆知言也所著有太樸園文集五卷詩

五卷春秋或辨一卷雜著若干卷藏於家先生生於順治

十三年丙申十月二十三日歿於康熙五十九年庚子三

月初三日享壽六十有五娶鐵氏衛指揮使鐵公可鼎女

繼娶雷氏子一其晟生廩先故女二一適孝廉田君榕一

適廩生洪君匯孫男三翊翊皆庠生翊幼業儒曾孫士元

先生歿於鎮遠學舍冢孫翊等奉柩將以某年月日葬於

三岔之祖阡以予與先生文章道義雅相契合謂宜一言

以不朽先生不得固辭乃援據行狀及予所見聞略述梗

概系之銘曰

甲子登賢書法親

王屋縣志

惟先生學之有本原兮星曜其晶惟先生才之識世務兮
龍潛其形先生雖一官止於首着兮擅蘇湖之令名我勒
斯銘納之幽宮兮雖無老成人尚有典型

東莞鹽曹洪君墓表

檢村潘淳清鎮

君姓洪氏諱湜字瀾若號靜谷洪之先由鄱陽遷宣城又
由宣城遷含山傳八世有鎮國將軍諱壽者永樂年間由
蘄州衛指揮僉事從軍門王征五溪蠻有功陞授平溪衛
指揮使予券世襲君始祖也傳十一世至君祖諱國寧生
五子遂昌邁昌衍昌洵昌用昌皆成名邁昌由歲貢生選
遵義府訓導辭不赴兩舉鄉飲正賓君考也妣聶孺人君
幼聰警氣度儒雅攻舉子業不窺園者累歲孝於親友於

昆弟信於朋友聖部咸推重之丁酉舉鄉試第七人闈墨
醇雅膾炙一時連上春官不第雍正丁未同年友制府屏
川王公時官粵東布政使重君學行邀之入粵引以相助
而制軍孔公毓琪一見君尤器重之
題請留於廣東鹽場効力隨委辦歸德等場鹽務雍正九
年委解

萬年吉木進京辦公無悞遵例引
見奉

旨回任十二年制府鄂公彌達撫軍楊公永斌以君嫻於吏
治會疏

題請委署澄海知縣部議以格於例不允行乾隆三四六

120
等年歷蒙各憲委署東匯關批驗所大使鹽運司經歷石
橋場大使旋蒙制憲王公安國

題請實授東莞場大使事正束裝赴任間忽遘疾大漸遂
以不起矣君之任東匯關也關為廣東發鹽總口各省客
商俱聚於此領運而鹽有黃黑白三等奸商賄賂吏胥即
以上鹽給運客商每每紛爭其鹽船運到鹽舫每船有秤
頭餘鹽肆伍仟舫不等內將叁肆百舫交官名為花紅鹽
每百舫舊例僅給價叁錢其餘鹽舫皆潛為私售以致官
鹽阻滯君廉知其弊每客商領運親為驗視上中下三等
均勻配搭客商咸服其公船戶秤頭餘鹽詳請照官鹽舊
例花紅鹽每百斤再增價伍錢共捌錢各運船戶無不樂

從悉將餘鹽盡歸官賣情願領價由是鹽得通行

國課始為充裕矣其任石橋場也所屬有桂林甲子東湖南竈小晴各場皆產鹽之處歷任前官凡遇晒丁支領薪本必拘於成例須天清明方准給發晒丁因而逃避者多及至清明晒丁既少獲鹽即不多而鹽每每缺額自君蒞任清明聽其支領一遇陰雨酌量預為借給晒丁皆踴躍爭先鈿曬鹽田每較常額加倍再石橋及各小場曬丁並無稻田惟賴曬鹽度日故舊例每年官動帑課買貯谷石以備春夏雨水給發之用君到任偶值春夏秋三季皆雨庫銀積谷俱皆發盡雨猶未止復詳請領帑借給不允乃自行借貸轉給由是曬丁藉以活者甚衆且石橋鹽田地

121
主七十二圍每年輪一圍供應場官署中日食費用需百餘金而吏胥於常例外尚有苛求地主頗以為擾君悉為禁革夙弊一除碣石一鎮駐劄石橋兵丁數千餘人除操演外悉為運鹽挑脚從前給發脚價皆以自朝至暮為一工君則雖半日亦以一日足價給之窮卒尤為感戴君在粵一十五載熟於鹽務上裕

國課下利商民以故所至各場離任時則攀轅臥轍各奉長生木王申去後之思及聞君訃皆不遠數百里公設祭奠復請君生卒年月作孟蘭佛事其得人心可謂至矣嗚呼孔子嘗為委吏矣為乘田矣士君子特患無才不能為世用與夫雖見用而又以官卑職微甘於冗闕耳若夫

有才適用隨官効職小用之而小效者即大用之而大效者也以君之才使其得志大行標鴻流駿度必大有聞於時無疑顧乃浮沉嶺表官不過鹽曹年不及中壽所學與志卒不獲售 耶命耶悲夫君生於康熙壬申十二月卒

於雍正辛酉十月得年五十歲配田孺人清鎮教諭諱種穎公次女有賢行子二渠邑庠生娶青谿縣庠生劉君諱鴻基長女次璪邑庠生娶義州牧鄭君諱廷覲次女璪在粵視含殮奉君柩歸葬者也女三一適癸卯舉人鄭君諱廷獻次子伯良一適青谿縣廩生夏玠一字鄭廷錚孫男四人孫女二人君歸墓之二三年歲在甲子予適里居渠奉君行狀踵門丐一言表君之墓余素忝交好雅相敬君不

忍牢辭謹按狀書之俾歸而饒諸墓道俟後有述焉

(塔銘)

(明)

明德壽大師塔銘

按察副使陳應奎

鄰人

按狀大師姓汪氏字起雲乳名府生德壽其法派也先世為新安唐貞觀越國公之裔始祖太乙元末避亂徙居蘄春我明吉安侯南征七世祖文秀應調行凱旋遂隸平溪家焉父同知公廷玉萬曆庚戌任雲南府母曾孺人有姪將就館室每覺異香綈緼浹不散同知公復夜夢師兄永生手拈一花頂毗羅帽嬉笑來歸同知公甚異之先是永生亦以命貴祝髮投太華寺寄名進壽亡何竟以痘疫

天郎中同知公心惟此必永生後身再來耳是年正月二十日戌時師果誕生又見其形像端正性靈慧穎或謂異日必聰明才辨人耳不虞其根器之沉遠也前一歲有幼僧從普陀南嶽來持白衣觀音經一卷普提念珠一串喜施於同知公飯罷而去同知公供奉祕室衆童子及侍兒常潛入翻閱然師語遲行坐遲不識文字不過指點嬉戲豈復知有深義者壬子春師忽然能言能行種種洩露機緘俱羣兒所不及萬一者時闔門痘疫師獨苦醫藥罔效氣息奄奄瘖不能語夜半忽挺身起大念阿彌陀佛三聲再念本師阿彌陀佛三聲父母驚怖涕泣呼師曰府生府生你何因得作此佛事無老稚男女逐一瞑目呼名絕無

溷亂咸讚嘆悲啼詫其希有詰明同知公至中堂師五體
投地合掌虛空若懇禱狀人有言者可當投師問訊法門
究竟善果遂投至元為徒法名德壽次早將逝左手一指
西向者再三從父母乞僧帽手自摩頂曰好好遂作五印
訣勢不休又乞僧衣念珠兩手掐數若老頭陀父母亟設
香案同知公自誦觀音經數卷師淨身後以香湯流之聳
肩端坐仰掌膝上十指相對作出山羅漢像微笑而逝時
本月二十九日午時也嗚呼異哉未二歲幼孩不知所謂
經典不聞佛號不習禮拜口彌陀指淨上已屬奇事而昏
沉骨立之軀躬伏地手畫訣種性不迷又何其奇之奇哉
豈拈花笑而來者亦嬉笑而逝耶師之涅槃即大德行禪

王厚鼎志
宗莫有逾者宜其生而異香不偶也余喜其幼慧復哀其
住世不久不能圓滿功行以就大乘為惜茲同知公以二
月初二日辰時奉法身藏舉石搭因為之誌而繫以銘銘
曰師自何來拈花自笑師向何歸西指極樂生死大矣
師視如飴口口如來心心阿彌五印亦空十指變幻師性
不迷朗月在漢聳肩端坐片語無訛方之圓澤涅盤靡他
石塔崢嶸西上之陽於萬斯年山高水長

(啓)

(明)

復陳府尊啓

鄭逢元

恭惟台臺德企於至道擅其腴作事以聖賢為師存心而

鬼神可質醴泉甘露常敷四境之和萱草慈雲大萃一門
之福共羨分堂愛日咸瞻瑤島長春如治非者近月以來
蓐收司令彭豎為災瘦骨嶙峋非沈約之耽詩癖危情掩
映豈壺子之杜德機年逾六袞不能與先生大人作緣枕
伏三旬何至為造化小兒所苦忽傳台命得捧瑤函重以
隆情錫之鼎貺銀律長揮筆非秋而垂露全葩初放物與
桂而俱馨在公祖雲錦為裁噓以死灰之氣而治民瓊琚
乏報聊陳敝篋之詞過此以往倘遇青牛道士俾馬齒以
稍延自茲以還必仰白鹿仙人效鳧趨而聽講暫此具謝
曷禁心銘

賀郡司李許公小啓

鄭逢元

恭惟台臺一代偉人百年名世洗六朝之鉛華色澤飲三
吳之蘊籍風流才思汪洋誠如太湖之水丰神秀拔恍矣
洞庭之山拈得梧桐浣花鷓鴣昔應接於酒壇詩社龍
標楊柳夜郎杜宇今歌嘯於政簡刑清不但農夫牧豎快
雨潤而耕落花亦使逸客幽人樂月明而清夜夢豈止當
路之禍無行作寰中之人瑞某肥遁山林一則俗塵同者
育泉石半灣流水共漁郎真獨天地間廢人猶賴老
公祖餘蔭儀成不腆箚之竹馬歡迎語愧無必同乎柳枝
歌頌特此具賀無任瞻馳

